

SPECIMEN. PHILOSOPHICUM
DE
DIFFERENTIA NOTIO-
NUM INSTRUMENTALIUM ET
REALIUM.

QUOD
Conf. Ampliss. Fac. Philos. Reg. Ac. Aboënsis,
Publico proponit examini

A U C T O R

Mag. GABRIEL ISRAEL HARTMAN,
*Philos. Theor. Docens, Aman. Biblioth. nec non Reg. Soc. Oecon. Finl.
Secretarius secundus.*

R e s p o n d e n t i b u s

ANDREA LUNDGREN, *Sveo-Gotho*, CAROL. GABR. WESTZYNTHIO, *Oftrob.*
JOH. ADAM EDMAN, *St. R. Tav.* & ADOLHO SIM. APPELGREN, *St. R. Oft.*

Diebus 28 Nov. nec non 5, 15 & 18 Dec. MDCCCIIV.

ABOÆ, Typis FRENCKELLIANIS.

AD LIBITUM
LITERA

IN SACRAM REGIAM MAJ:TEM
SUMMÆ FIDEI VIRO,
E REGNI SVECIÆ PROCKERIBUS UNI,
SUPREMO AD AULAM REGINÆ VIDUÆ MARESCHALLO,
REGIÆ ANTEHAC EDUCATIONIS GUBERNATORI VICARIO,
ACADEMIÆ ABOËNSIS CANCELLARIO,
REGIONUM ORDINUM EQUITI & COMMENDATORI,
ILLUSTRISSIMO ATQUE EXCELLENTISSIMO
COMITI AC DOMINO
DOMINO

CAROL. AD. WACHTMEISTER,
GRANDI HUJUS MUSARUM SEDIS COLUMINI,
MÆCENATI SUO MAXIMO,

SACRUM

VOLUIT, DEBUIT
AUCTOR.

WILHELM WANDER READING WIL-



Hanc veniam petimusque damusque vicissim.

HORATIUS.

Quam certum est nos cogitare de rebus, quasdamque res
scire atque earum affectiones & relationes observare;
tam certo etiam constat, nos nostra cogitata cum a-
liis hominibus & loquendo & scribendo communicare. Jam
inde a primis ætatibus, vix egressi e maxima feritate, ubi
etiam fortasse gestibus sensa sua protulerunt, sermone usi
sunt mortales; & postquam ad altiorem culturæ gradum perve-
nit genus humanum, fuerunt, qui non solum litteris suas co-
gitationes mandare didicerint, sed etiam qui indolem lingua-
rum, quibus usi sint & utantur homines, diligenter sint per-
scrutati.

Sed quamvis Philosophi, ex altera parte de ideis & co-
gnitione nostra assidue cogitaverint, & ex altera simul cum
linguarum peritis de harum indole & legibus diligenter scrip-
serint; nemo tamen, ut putaverim, ad totam, qualis in se
est, rationem communicandorum cogitatorum satis accurate
animum advertit. E contrario mihi videntur philosophi in-
strumenta, nobis a summo optimoque Numine communicatio-
nis fere solum causa concesa, cum ipsa cogitatione & cogni-
tione rerum sive ideis res repræsentantibus, sèpissime confu-
disse. Quod si non fecissent, in tot errores, subtilitatesque
metaphysicas verborum ambiguitate partas, unde exitum in-
venire non potuerint, certe haud incidissent. a) Hinc, si hoc

A

ita

a) Idem Locke sensisse videtur. Verba ejus sunt (*Essay on Human Understanding*, B. III, Ch. VIII, §. 12): *The ordinary Words off Lan-*

ita sit, patet, perniciariam esse disquisitionem accuratam
veræ hujus modi s. rationis indolis, discriminisque notio-
num realium & instrumentalium. Quare me laborem & in-
geniolum meum in hanc materiam enucleandam non frustra
impensuram fore putaverim, cum, speciminis academicī loco mea
circa illam rem cogitata peritorum examini subjicerem & pro-
virili explicare & defendere conarer.

Mibi quidem objici potest, quod ex principiis, in hoc
vel illo systemate philosophico obviis, mea de hac materia
fensa non deduxerim; sed in tanta penuria certi, in tot ad-
idealismum & scepticismum vergentibus moliminibus, quæ sy-
stemata philosophica pleraque fœdant, quibusque fidem mini-
me esse præbendam existimaverim, non potui, quin proprius
ad sensum communem, usumque rationis simpliciorem ea, quæ
statuenda esse putaverim, accommodarem. Quamobrem ad
res ipsas, quales eas inesse in mente humana intellexerim,
non quales ex principio quodam incerto, ut sunt revera plu-
rima systematum philosophantium, non minus recentiorum
quam antiquorum, per vias logicas, scilicet ratiocinando,
proveniant, refugiendum esse crediderim: putans me, in per-
scrutatione mea, principiis propriis superstructa & factis ob-
viis consentanea, si scil. id sint, non minus philosophaturum
esse, quam si, res ipsas despiciens, ex præceptis cuiusdam
philosophi, propositam quæstionem pertractaturus essem.

§. I.

Quomodo Ens cogitans, summum, perfectissimum, infinitum,
ideas & cogitationes in mente spirituum finitorum exci-
tare

*guage, and our common Use of them, would have given us light
into the nature of our Ideas, if they had been but consider'd with
Attention,*

tare & immutare valeat, hoc loco non quereritur; sed tantum de methodo, qua in suis cogitatis communicandis utantur naturæ finitæ, præsertim vero homines inter se, disputandum est. Confilium enim, quo hoc argumentum explanandum nobis sumus, aliud non erat, quam ut aliquid conduceremus ad scientiam cognitionis humanae, præparandam: quæ scientia est conditio, sub qua verum invenire & de eo certi esse possumus.

Pro certo autem habemus, has naturas cogitantes non posse ea, quæ sciant, quæque cogitaverint, immediate aliis tradere, ut illa ex mente hujus in mentem alterius quasi fluent, & ita tanquam una cognitio ex duabus efficiatur. Spiritus finiti ita sunt limitibus circumscripti, ut alter eorum extra alterum sit, & nulla communicatio, nisi mediata, inter illos existere poscit. In tertio scilicet quodam, ut in medio, cogitationes suas exponat alter, alter vero illas ex tertio illo sive medio quasi exhaustiat, sibique proprias reddat, necesse esse facile intelligimus.

Signa igitur externa cognitionum necessaria sunt, si alias existat communicatio illarum inter homines b). Alter illa signa ita proferre debet, ut illis, quæ cogitaverit exprimenda, accurate respondeant; alterum vero oportet hæc signa prolata excipere, & sic intelligere, ut ex indicibus eorum scire possit, quid ille, illis exhibendis, significare & prodere voluerit: Quod autem qua ratione, quibus instrumentis, quotque operationibus mentis, fieri debet, exponere adgredior.

b) LAMBERT in *Novi Organii Semiotica*, & §. 13 dicit, *Dass wir ohne solche Zeichen anderen unsere Begriffe nicht mittheilen können, ist an sich so klar, dass es keines Beweises bedarf;* & LOCKE in Libro suo de Intellectu humano (Lib. III. Cap. II. §. 1.) *Man, inquit, tho he has great variety of Thoughts, and such, from which others, as well as himself, might receive Profit and Delight; yet they are all within his own Breast, invisible, and hidden from others*

others, nor can of themselves be made appear. The Comfort and Advantage of Society not being to be had without Communication of Thoughts, it was necessary that Man should find out some external sensible Signs, whereby those invisible Ideas, which his Thoughts are made up of, might be made known to others. Et sic alii; illis fere tamen exceptis, qui exsistentiam rerum externarum per se negarunt, & illam esse extra omnis nostre cognitionis orbem positam contenderunt, quoniam illis de methodo, de qua agimus, non fuit disserendum. Haec attuli vero, non ut claram rem auctoritate Philosophantium demonstrarem, sed ut cerneretur, rem de qua convenienter omnes, demonstratione non egere.

§. 2.

Primo contiuuū quidem duo tantum requiri videntur, ut efficiatur ejusmodi communicatio; prolatio scilicet signorum, eorumque perceptio, ut intelligantur. Si vero diligentius hanc materiam tractamus, perspicimus sex omnino operationes adesse, sive sex diversis rebus uti necesse esse, sive sex stationibus esse insistendum, antequam cogitata a mente ad mentem perveniant, seu antequam nostram mentem recte intelligere valeant alii homines, aut antequam nos aliorum sensa percepta & cognita habeamus. Quæ res & operationes sive stationes sunt sequentes.

I. Idea & idearum series, quæ in mente nostra, res, de quibus cogitamus, nobis representat, & in qua revera consistit ipsa nostra cognitio & cogitatio, quam cum aliquo quodam communicare, eique notam facere, volumus.

Rem scire nihil aliud est, ac Ideam sive imaginem rei ejusdem mente tenere, qualisque illa sit considerare, & partes ejus, quatenus apprehendi posunt, animadvertere. Vides ex gr. machinam quandam artificiose constructam, ejusque strukturam, indolem, usum, povidendo & cogitando cognoscere studes: quatenus vero illam lcis & cognitam habes? Eatenus scili-

scilicet tantum, quatenus habes ideam illius machinæ ita effectam, ut hæc per illam, nulla nempe parte comprehensibili omisfa, repræsentetur, utque ita tibi sit illa idea loco machinæ, cum de hac ulterius cogitare velis. Scis Deum esse, quando Ideam ejus vere exsistentis habes. Scis qualis est, si Ideam ejus naturæ consentaneam tenes. Cognoscis hominem certum, quando idea ejusdem hominis ita uteris, ut, absente homine, eum tamen possis tibi in animo repræsentare & ideam considerando, quamvis partem ejus, quasi oculo quodam interno, cernere. Observandum quoque est, nos eadem ratione cognoscere rerum relationes, qua res ipsas, nempe tenendo ideam relationis; quod vero fit, cum ideas rerum in mente juxta habemus, & illas ita consideramus, ut, quomodo se invicem habeant, cernamus. e).

e) Lector facili negotio observat, vocabula **SCIRE** & **COGNOSCERE** hic idem significare. Illis sic uti volui, quia, me judice, idem est rem scire & rem cognoscere; nam nihil omnino ulterius scire possumus, quam id cognitum habemus, & contra. Sunt quidem, qui dicant, nos scire rem, quando non modo rem per se cognoscimus, sed etiam rationes sive causas rei cognitas habemus; sed quis est qui non sciat, nos æquè bene dicere: &, **scire rem**, &, **scire causas ejus**? scil. interest inter rem scire tantum, & rem penitus sci-
re, ita ut etiam causas ejus sciamus. Heic vero quæstio non est de scientia ut cognitione demonstrabili; sed de cognitione nostra in universum. Huc pertinet quod ARISTOTELES (**ANALYTICOR. POSTER. L. I. C. 2.**) dicit, ubi definire voluit quid per **τὸ Scire** (eisdem) intelligendum; scil. **SCIRE rem**, esse idem, ac perspicere quæ sit causa rei, quod illa revera ejus rei causa sit, & quod hæc altera habere non possit: & secundum THOMAM CAMPANELLAM est **SCIRE**, rem per causas nosse (vid. BRÜCKERI Hist. CR. PHILOS. TOMI IV. P. II. p. 131.) Quæ omnia de cognitione demonstrabili, sive Scientia, ut vulgo sumitur, manifeste agunt.

Philosophi diverso modo exponere voluerunt quid sit **COGNOSCERE**, quid sit **COGNITIO**. Opiniones eorum afferam, ut videat Lector quid certi & demonstratione ulterius non egentis in illis insit, quæ dixerim. WOLFF (**PSYCHOL. EMPIR. PART. I, SECT. II. C. I. §. §.**

51, & 52) dicit: "Rem cognoscere idem esse ac ejus notionem vel Ideam sibi acquirere — Cognitionem esse actionem animæ, qua notionem vel ideam rei sibi acquirit: in quo cum illo congruit definitio cognitionis, quam exhibet BAUMEISTER quasi commentandi causa (ELEM. PHIL. REC. METAPH. §. 183): Adio illa, quæ anima res sibi repræsentat & percipit, dicitur COGNITIO. Hic observare licet, Actionem aut passionem non ad cognitionem ipsam pertinere, sed ad systema Wolfianum. Nam cum Ideam sive notionem rei tenemus, cuncta quæstione de ortu ejus Ideæ sive notionis omissa, rem eatenus cognoscimus, quod cuique facile est intellectu.

LOCKE, cui plures consentiunt, (De intellectu hum. L. IV. C. I §§. §. 2.) dicit - - - it is evident, that our KNOWLEDG is only conversant about our Ideas. KNOWLEDG then seems to me to be nothing but the Perception of the Connection and Agreement, or Disagreement and Repugnancy of any of our Ideas. In this alone it consilis. etc. Scil. putat cognitionem consistere non in ideis sive notionibus ipsis a mente perceptis; sed solum in earum convenientia & pugna, quatenus a mente percepta sit. Quare etiam (L. IV. C. III §. §. 1 & 6) dicit: We can have KNOWLEDGE no farther than we have Ideas - - - It is evident, therefore, that the Extent of our KNOWLEDG comes not only short of the Reality of Things, but even of the extent of our own Ideas - - - We have the Ideas of a Square, a Circle, and Equality; and yet, perhaps, shall never be able to find a Circle equal to a Square, and certainly know that it is so, &c. Sed longe aliud est perspicere relationes inter res intercedentes, & cognoscere res istas. Verum quidem est, nos eatenus etiam cognoscere relationes rerum, quatenus ideas illarum accuratas habemus; sed quando in notione Circuli quantitatem ejus non accurate cognitam, quamquam determinatam tenemus, mirandum non est, quod non possumus accuratam instituere comparationem inter Circulum & quadratum; nam non possumus cognoscere ea esse æqualia aut inæqualia respectu magnitudinis eorum, quorum magnitudinem non cognitam habemus. Ex altera parte vero luculentius patet, nos rerum relationes non posse cognoscere ulterius, quam ipsis res novimus, h. e. quam Ideas illarum mente tenemus — Unde constat, nos eatenus tantum res cognoscere, quatenus earum ideas habemus, & his ipsis absolvitur nostra cognitione.

KANT vero (ille quidem celeberrimus) ex tenore systematis sui statuit

statuit cognitionem in eo consistere, quod datae Ideæ se determinante referunt ad Objectum quoddam. Verba ejus sunt (CRIT. D. R. VERN. II AUFL. pag. 137. CONF. MELLINS WÖRTERB. D. KRIT. PHILOSOPHIE. ART. ERKENNTNISS): ERKENNTNISSE bestehen in der bestimmten Beziehung gegebener Vorstellungen auf ein Object. Object aber ist das, in dessen Begriff das Mannigfaltige einer gegebenen Ansichtung vereinigt ist. Unde videtur cognitionem apud illuminatione esse nisi Ideam rei; cetera systema ejus respiciunt, s. modum, quo, ex mente ejus, Ideas rerum habere possumus. Observandum autem est, cognoscere, ex preceptis ejus, certum semper Objectum respicere, quatenus sensibus, sive sensualitate mentis percipiatur, non vero quatenus cogitari possit aut cogitur, ut possibile tantum, (Vide de hac re MELLINS WÖRTERB. ART. ERKENNTNISS & locum ibi citatum). Sed est notandum, nos cognoscere rem non amplius, quam Ideam ejus habemus, itaque aut ut possibilem tantum, aut ut vere existentem. Aequo nempe bene dicimus cognoscere rem possibilem qua talem, ac cognoscere rem, ut sensibus perceptam; nam modus cognoscendi, cognitionis essentiam non efficit. Quod etiam ferit ea, quæ de cognitionis indole dicit ASCHER (SYSTEM DES ELEMENTARPHILOSOPHIE pag. 19. 109, & 128), cuius verba sunt: Mit den Erkenntnissen erkennen wir Gegenstände; das ist Thatssache - - - Das Erkennen ist nämlich ein Bewußtseyn in so fern es durch eine ERKENNTNISS bestimmt ist, ein Bewußtseyn von einem solchen und keinem andern Gegenstände zu seyn; und eine ERKENNTNISS ist eine Vorstellung in so fern sie Bestimmungsgrund des Bewußtseyns ist, &c. — Sed non est amplius de hujus verbi usu disputandum; cum omnino extra dubium esse putem, nos non nisi per ideas res cognoscere.

De re autem cogitamus, quando ideam illius rei in conspectum mentis provocamus, & ita tractamus, ut partes ejus quasi percurrente, singulatim consideremus, quæ sint, quales sint, quomodo totam ideam sive rem repræsentatam efficiant— præterea, quando illam ideam cum aliis ideis comparamus, eas juxta contemplamur, & ad relationes, tali collatione ortas, attendimus. *d)*

Cuique manifestum est, nos cogitando non immediate res ipsas tractare, sed solum ideas rerum. Cogitando quidem possumus

sumus rem nobis familiariorē reddere, diligentius confide-
 rantes partes ejus, quales & quatenus in idea, quam tene-
 mus, sunt obviæ: & conferendo itam ideam cum ideis cete-
 ris, relationes rerum quæ & quales esse possint, detegentes:
 nam ejusmodi comparatione instituta, qua ideas rerum juxta
 & invicem animo intuemur, efficere quidem valemus, ut re-
 ste dicere possumus: ubi res, de qua agitur, in hoc vel illo
 statu est, quando a tali re ita aut aliter afficitur, vel quan-
 do hoc vel illo modo tractatur, vel ubi denique hac vel illa
 ratione cum aliis rebus convenit, & s. p. ita se habeat, ejus-
 modi relationes oriuntur, tales effectus proveniant, necesse
 est, quatenus scilicet rem ipsam, resque cum quibus illam
 comparamus, accurate per ideas nostras repræsentatas habeam-
 mus — idque non aliter, ac chemicus, qui in officina
 materiam materiæ miscet, & effectus inde provenientes cer-
 nit, dicere potest & pro certo habere, ejusmodi effectus et-
 jam extra officinam in gremio naturæ, ubi & quando eadem
 materiæ eadem ratione miscentur, necessario existere. Minime
 vero rem ipsam, quæcunque sit, cuiusmodique natura & in-
 dole gaudeat, quatenus per se sit, cogitando invenire possumus,
 nisi jam in ideis nostris data & determinata est; nam il-
 las, quas tenemus ideas rerum, tractare et considerare, con-
 ferre quidem valet mens, non vero immediate augere, nec
 incognitam rem ad cognitionem perducere, nisi rebus ipsis per-
 cipiendis: nempe, cogitando, notitiam non rerum ipsarum,
 sed relationum inter res sibi jam cognitas intercedentium, &
 eorum quæ inde consequuntur, acquirere possunt homines.

Qui vero plures partes, pluraque, ut dicunt, prædicata
 rei intra mentem tribuit & adnumerat, quam illius idea jam
 continet, vel quam ex ipso re, percipiendo haurit, nisi re-
 lativa essent, certe errat, imaginationisque fructus sive fœ-
 tum pro re ipso falso habet; quod igitur veritatis studiose
 evitandum esse, sole meridiano est clarissimum f).

d) De

¶) De indole cogitationis multa docuerunt Philosophi, quorum tamen cogitata ad tres apte referri posunt classes:

I:o Qui putarunt cogitationem idem esse ac conscientiam, qua nobis omnium eorum, quae in nostra mente sunt vel sunt, consciū sumus, ut cogitare rem, sive de re cogitare, idem omnino sit ac conscientiū ideæ illius rei esse, & cum nullam rem cognoscamus, nisi quatenus ejus ideam in mente nobis repræsentatam habeamus, h.e. cuius ideæ nobis consciū sumus, cogitatio & cogitio revera idem significare videtur: sic WOLF (PSYCHOL. EMPIR. §. 23 & seqq.) notionem cogitationis exponit. COGITARE, inquit, dicimur, quando nobis consciū sumus eorum, quae in nobis contingunt, & quae nobis tanquam extra nos repræsentantur (extra nos, scil. ut cogitantes, ut subjecta cogitationis). Cogitatio igitur actus animæ, quo sibi sibi rerumque aliarum extra se conscia est. — Nos igitur cogitare affirmamus, quando nobis rerum quarundam aut operationum mentis nostræ sumus consciī. Enimvero quando nobis nihil consciū sumus, veluti in somnio, tum nos non cogitare pronunciamus. (De conscientia idearum in somnio non est cum illo disputandum, quia Systema Leibnitianum redolet, & quia cuique notum esse debeat, nos omnino nihil nobis repræsentatum habere, nisi simul ejus consciū sumus. — Quod idem etiam intelligendum est, in §. 26 ubi dicere pergit:) Omnis COGITATIO & PERCEPTIONEM (qua est (vide ibid. §. 24) actus mentis, quo obiectum quocumque sibi repræsentat — ita enim, inquit, percipimus colores, odores, sonos; ita mens percipit se ipsam & mutationes in se contingentes) & APPERCEPTIONEM (qua mens perceptionis sibi conscia est) involvit. Scil. operationem, cuius nulla pars abesse possit, in duos quasi diversos actus dividit, ut systema, quoad ideas non adhuc ad conscientiam evictas, defensum & integrum haberet. — CARTESIUS, cuius principium philosophandi erat: cogito, ergo sum, etiam distinxit eandem cogitationis notionem exponit (PRINCIP. PHILOS. PART. I. ART. 9.). Ejus verba sunt: Cogitationis nomine intelligo illa omnia, quae nobis consciis in nobis sunt, quatenus eorum in nobis conscientia est. — Atque ita non modo intelligere, velle, imaginari, sed etiam sentire idem hic est, quod cogitare (CONF. BRUCKERI HIST. CRIT. PHILOS. TOMI IV. P. II. p. 295.). Cartesius vero, postquam animam sive spiritum esse Substantiam cogitantem docuerat, statuebat spiritum semper cogitare, itaque etiam animam humanam, quamquam suorum cogitationum non semper esset conscia, veluti in somno; & ita no-

men cogitationis vel latius sumit, aut sibi contradicit. — LOCKE hanc notionem cogitationis, quasi jam stabilitam, nullaque disputatione gentem, habet. Ideas animo tenere & trahere erat ei cogitare, quod videre potest lector apud illum, LIE. CIT. B. II. C. 19. — Cum his convenit, non solum quod CHEV. DE JAUCOURT (ENCYCLOPEDIE OU DICTIONN. &c. à NEUFCHATEL. ART: PENSÉE) dicit, cujus verba sunt: On peut regarder le mot PENSÉE comme celui qui exprime toutes les opérations de l'âme. Ainsi s'appelle PENSÉE tout ce que l'âme éprouve, soit par des impressions étrangères, soit par l'usage qu'elle fait de sa réflexion — sed etiam aliquo modo, quod ex recentioribus BOUTERWEK (ANFÄHNSGR. DER SPECUL. PHILOS. p. 45) urget: Der wirkliche Act der Selbsterhebung des Subiects über die Objekte ist das ursprüngliche Denken, und dessen Resultat der Gedanke. . . Es ist eins, ob wir sagen: Das Subiect spricht sich selbst ein eignes Daseyn zu: oder Kürzer: ICH DENKE. Es ap- perceptionem Wolfii, & in hac omnem liberam idearum nostrorum tractationem! Unde cernere potes quatenus cum illa, quam meam esse dixi: sententiam, convenienter re, quamquam verbis discrepant.

220 Alii vero cognitionem, illam esse mentis actionem, qua relationes rerum & idearum percipit & observat, omnino idem, quod Locke cognitionis nomine notavit, (vide supra p. 6.) statuerunt voluerunt. Huc adnummerandi sunt e. gr. TETENS, qui (PHILOSOPHISCHE VERSUCHE ÜB. DIE MENSCHL. NAT. VIERT. VERS. I.) dicit: Das Gewahrnehmen ist Eine von den ersten Wirkungen des Vermögens der Seele, womit sie Verhältnisse und Beziehungen in den Dingen erkennet. Dieser ganze Vermögen will ich zusammen von nun an die Denkkraft nennen, so wie das Erkennen der Verhältnisse und Beziehungen in den Dingen überhaupt, ein DENKEN heissen kann. . . Die Denkkraft, das Vermögen Verhältnisse und Beziehungen zu erkennen, ist dasselbige Vermögen &c. — & DALBERG (VON DEM BEWUßTSEIN: p. 19 & p. 21), ubi verba haec exstant: Das DENKEN düssert sich durch Vergleichen der innern und dussfern Gegenstände. . . Das DENKEN der Seele besteht in Vergleichen der Ähnlichkeit und Erkennen der Verschiedenheit. Ab his non valde discrepat quod EICHTE (SONNENKLARER BERICHT &c. p. 6.) scribit: . . man kann nur NACHDENKEN über das beobachtete, nur dieses, so wie es beobachtet ist unter sich VERGLEICHEN, keinesweges aber durch blosses Denken sich neue Gegenstände erschaffen.

30 Sunt denique, qui cogitationem ad notionum tantum universalium tractationem, scilicet ad cognitionem per notiones universales, referant. Hujus cohortis antesignanus PLATO recte dicitur. Sena ejus TENNEMANN (Geschichte der Philos. B. II. p. 295. 296.) ita Theodisee exponit: *Das Denken ist nehmlich eine Art von innern Sprechen mit sich selbst - - und das aus Verbindung der Begriffe besteht, so wie eine Rede eine Verbindung von Nenn und Zeitwörtern ist. - - Das Denken ist nun überhaupt das Verfahren mit Begriffen &c.* (Platonis verba sunt Theaetet. p. 151. & Sophista p. 295. 296, quae ibi videat, qui eorum ipse videndi cupidus sit). Addi adhuc posunt, quae ex Platone (Phaedo p. 181) affert TIEDEMAN (Geist der spec. Philos. B. II. pag. 184 seqq.) *Das Denken stellte sich Plato als ähnlich dem Empfinden vor, als ein Berühren des intelligiblen, ein Annähern zum intelligiblen, eine Richtung auf das intelligible, wie er denn das Empfinden ein Berühren der Körper nennt.* — Intelligibilia vero Platonis erant Ideæ (Notiones Universales) quae ex ejus opinione erant divinæ & (si ita dicere licet) substantiales. Post Platonem, praeter alios, LEIBNITIUS eandem sere cognitionis notiōnem fovit, quod ex Princip. Phil. more geom. demonst. Definit. CXXV, luculentiter patet, ubi verba ejus sunt: *Cogitatio (Idea) est ipsa representatio distincta in subjecto individuo eorum, quae in sensationibus vel phantasmatis pluribus singularibus similia sunt, per voces determinatae significationis facta.* — *Cognitionem ab apperceptione in genere dislinguimus, & pro apperceptione universalium accipimus: - - animalibus rationalibus in specie Cognitionem assignantes.* Cum his congruit sere tota Schola Kantiana. KANT dicit (Cr. d. r. Vernunft. II Aufl. p. 94) *Denken ist das Erkenntniß, durch Begriffe. Begriffe aber beziehen sich, als Prädikate möglicher Urtheile, auf irgend eine Vorstellung von einem noch unbestimmten Gegenstände.* (Conf. MELLINS Wörterb. der Krit. Philos. art. *Denken.*) - - Eadem rem exprimit BECK (Grundriss der Krit. Philos. § 1.) his verbis: — *Denken heißt, sich Gegenstände durch Beylegung gewisser Bestimmungen (d. i. Merkmale oder Prädikate) vorstellen.* Eine solche Vorstellung heißt *Begriff, &c.*, KIESENWETTER (Grundriss. einer allg. Logik. — §. 12.) *Denken, inquit, heißt überhaupt diejenige Handlung des Gemüths, wodurch Einheit des Bewußtseins in die Verknüpfung des Mannigfaltigen gebracht wird; oder auch, Denken ist das Vermögen (non facultas sed actus?) mit-*

selbare Vorstellungen (d. i. Begriffe) *hervorzubringen*: & sic porro. — Cognitionem scil. referunt ad objecta certa, Cognitionem vero ad notiones, quibus objecta in genere representantur — sed in Definitione supra e Bouterwek allata, videntur ambæ conjungi; me vero judice, hoc discrimen minoris est momenti; nam negari non potest, nisi usu loquendi rejecto, nos etiam tunc cogitare, quando ideas objectorum certorum (ut singulares) conferimus, & illarum relationes animo cernimas, atque etiam quando ideam rei certæ in mente sic volvimus, ut quæ, qualisque sit, videamus, quod fieri potest ita sine notionibus universalibus, ac si illis antea gaudemus. — Itaque cogitare idem est, ac Ideas suas quodam modo animo tractare, veluti cognoscere item est ac Ideas rerum habere. Cognitione scilicet exhibet materiam, quam cogitando tractamus. — Quod eo facilius mihi concedatur, quod Philosophi, quamquam inter se de limitibus discrepantes, tamen omnes in eo convenient, quod cogitare est animo tractare notiones; quare mea sententia est quasi complexus omnium illorum; quod eo melius est, quod nulli systemati eorum addictus sum.

8) Intelligas hoc vocabulo, omnem internam mentis circa ideas suas actionem, qua scil. illas dividit, componit, duplicat, mutat, &c. — idem quod Svethice dicimus: *behandla*.

ff) Confer quod de hac re loquitur Fichte, loco supra citato. MELLIN (Wörterb. I. c.) dicit: *Das Denken ist also das Mittel die Anschauungen (Ideas rerum, quatenus sensualitate Mentis, sive ut locuti sunt: sensibus exteris & internis, percipiuntur) zu verstehen, und alles Denken zweckt als Mittel auf Anschauung ab; denn das Denken wäre ein blosses spielen mit Vorstellungen, wenn es nicht zum zweck hätte, etwas dadurch zu erkennen, was nicht blos's gedacht, sondern entweder in der Anschauung gegeben ist, oder doch mit derselben nothwendig zusammenhängt.* LOCKE (On Hum. Underst. B. IV. Ch. III. §. 2.) postquam demonstravit nos omnem materiam cognitionis nostræ, omnes ideas & notiones, sensuum ope accepisse, affirmat: *That we can have no Knowledg farther than we can have perception of that Agreement or Disagreement (scil. inter ideas nostras). Which Perception being. 1. Either by Intuition, or the immediate comparing any two Ideas; or, 2. By Reason, examining the Agreement or Disagreement of two Ideas, by the Intervention of some others; Or, 3. By Sensation, perceiving the Existence of particular*

ticular Things. Notandum vero est *Knowldg* sive cognitionem hoc loco confidere etiam ea, quæ cogitando cognoscere valemus. Et sic de hac re senserunt fere omnes, qui non veritatem logican (convenientiam notionum inter se) cum veritate reali sive materiali, sive objectiva (convenientia cogitatorum cum objectis sive rebus cogitatis, ut scil. hæ tales in se revera sint, quales illas esse cogitemus) considerunt, & quod potest esse, pro eo quod revera est, temere sumserunt, ut ARISTOTELIS (Confer quod de illo scriptit Tennemann l. c. PHILOSOPHIE DES ARISTOTELES pag. 85.) & recentioris ætatis Philosophi, qui verum & possibile non satis dignoscere, inveniuntur.

Hæc omnia vero de indeole cognitionis & cogitationis afferenda esse censui; ut, antequam ulterius explicemus modum, quo cognitiones, & cognitionem nostram aliis manifestare possumus, video, quid per cognitionem & cogitationem sit intelligendum.

II. Notiones partibus Idearum sive cogitationum diverso modo, pro diversitate conditionis & artis, respondentes, terminis sive signis externis denotatas, animo tenere, investigare, in conspectum mentis proferre, ordine debito conseruare.

Hæc est secunda mentis operatio, quando in communicandis cognitis & cogitatis versatur. Quæ autem ut magis perspicua evadat, sequentia mihi afferre liceat,

Cum primum sermone uti incepissent homines adhuc rudes & inculti, sonum tantum articulatum, quem prodere valabant, observarunt, illoque usi sunt, nondum animadverentes, eundem sonum pluribus in verbis obvenire, numerumque sonorum simplicium, quamquam in compositione syllabarum, verborum, orationisque, permagnum esse videretur, tamen revera non esse nisi admodum parvum. Sed ad altiorem cultus gradum jam proiecti, facili negotio perspexerunt, nos non proferre plures quam circiter viginti quinque litteras diversas, quarum diversa compositione omnis sermo, omniaque verba linguarum efficerentur, & adhuc tamen infinite plures

voces illarum ope proferri posse: ut hodie aliquot tantum supra viginti literis utimur scribentes, ad designanda omnium linguarum diversa vocabula g). Quod si non animadvertisserit homines, necessario immensus evasisset numerus figurarum, ut hodie fere Sinenium, qui, quodcumque verbum propria figura denotantes, usque ad octoginta millibus figuratum uti traduntur. — Hoc exemplum nobis ostendere potest, numerum quoque diversarum partium in nostras ideas ingredientium, si ad illas separatim attendimus, posse esse non infinitum, quamquam ideæ & res, quarum ideis gaudeamus, permultæ sint, numerumque illarum in infinitum extendi posit. Sic utique etiam res se habet. Quis enim est, qui non sciat, eundem colorem, figuram, motum, structuram, indeolem &c. saepissime occurere nobis? Quantus v. gr. numerus rerum viridium? & sic porro. Unde intelligi potest, ideas partium diversarum, quatenus discerni & comprehendendi *) queant, facili negotio posse memoria teneri & in ordinem redigi, quamvis ideas rerum perceptarum & cogitarum, omnes, ob immensam multitudinem, nullo modo retinere valeamus.

g) Nam si litteræ sunt viginti quinque, si in hoc numero vocales, quæ sonum sustinere valent, sunt novem, & si scire velis quot vocabula existere possint, quoque vocabulo tantummodo duabus litteris constante, facile invenies jam inde, præter novies novem vocales duplicates, ducentia octoginta octo diversa vocabula oriri posse, & vocabulorum ex tribus litteris consistentium præter novies noves novem vocales triplicatas, tredecim millia, & octingenta octoginta octo, extare. Unde quisque scire potest, quam immenso numero vocabulorum uti possunt mortales, cum non solum plures litteras in quaque syllaba, sed etiam plures syllabas in uno verbo ponere valent, licet numerus sonorum simplicium sit admodum angustis limitibus circumscriptus.

*) Scil. ut eadem & ut diversæ.

Quod vero cum ita sit, facile intelligimus, quomodo oriuntur Notiones, quæ, ob causas mox exhibendas, universales

sales nominantur. Attenditur nempe animus ad diversas partes rerum obvenientium, quibus separatim considerandis & in mente tenendis, notiones simplices oriuntur, quibus postea tanquam litteris cogitationum utimur. Itaque ex una re tot accipimus notiones simplices, quot sunt partes, i. e. affectiones & relationes &c. istius rei, quatenus figillatim animadventuntur. Præter has simplices, compositas ex paucioribus aut pluribus simplicibus, notiones habemus, quas mens aut via propria ex simplicibus illis scilicet una animo contemplandis, rursus composuit, aut ex ideis rerum obvenientium, eodem modo ac simplices, jam compositas i. e. pluribus ex partibus discernibilius jam constantes, hausit. Nempe: ex infinitis illis, quæ a simplicibus componi, & ex ideis rerum immediate formari quantum, illas tantum notiones memoria complecti curamus, quæ frequentius occurrentibus rebus & circumstantiis respondent, & quas, eo ipso, utiliter esse nobis judicamus, ut notiones trianguli, hominis, arboris, bruti, lapidis, edendi, loquendi &c. quæ saepe quidem quasi nota quadam rem designat, *) si epistime tamen valde compositæ sunt. b).

*) E. gr. Notio animalis cuiusdam, ex Zoologia comparata, quæ Notio dentes animalis solum spectet.

b) Mens, in notionibus suis, de quibus loquimur, acquirendis & in ordinem redigendis, intra se idem facit quod ille extra se (ut quasi in speculo videoas imaginem hujus operationis), qui colligit & depingit sibi herbas, fructus, animalia, colores, figuræ &c. Observanda sciaret sunt sequentia: 1:o In initio libri sui simplices colores, figuræ & partes hic ponit, uteo facilius magis compositas res in ordinem postea redigat. — 2:o Unum tantum cuiusque generis depingit, vel potius, ubi res, quam jam habet depictam, ei obvenit, in illa depingenda rursus operam non pgnit, sed tantum in illis, quas non antea collectio ejus habet, ut insit in illa exemplar omnium rerum occurrentium. 3:o Quando rem depingere vult, illi necesse non est scire, an sint in mundo plures res ejusdem generis, quam illa, quam invenit & depingit. 4:o In ordinem res hoc modo collectas sic redigere fluet, ut facile unamquamque earum rursus inveni-

invenire posse. 5:o Sic in illis considerandis versatur, ut illi familiares siant, utque mox, quando res in mundo occurrat, illam agnoscat & sciat, non solum an sit eadem quam habet depictam, sed etiam qualisque sit quatenus alius sit similis, & quae sibi propria habeat, quoniam jam considerando exemplar suum hæc omnia quodammodo observaverit, & ad rem obvenientem ea applicare posse. 6:o Si consilium colligentis est, ut ex collectis, res occurrentes agnoscat & sibi familiares, ut jam, figuris suis considerandis, cognitas, habeat, omnia ea ex collectione sua ejicit, quorum similia non amplius invenit, ut multitudinem supra modum non augeat, sed facilius conservata & sibi cognita habeat cetera, cum inutilia non curet; quamquam a priori quasi non potuit scire, an res quædam esset utilis suæ collectioni nec ne, propterea illam conservare voluit, donec experiendo videt sibi illa opus non esse. & s. porro. Sic omnino in colligendo notiones mens se habet — quod intelligenti est manifestum. — Notandum tamen adhuc est mentem in collectionem suam notionum, non solum rerum, illarumque partium notiones, sed etiam relationes, causas & effectus &c. excipere, non solum res externas sensibus perceptas, sed etiam internas conscientia immediata animadversas.

Notiones igitur tam simplices quam plures compositas memoria tenemus, quas universales appellamus, & quæ ab illis, quæ res ut existentes repræsentant, accurate distinguae sunt. Seriem sive ordinem proprium efficiunt, diversum omnino ab ordine *idearum realium* (quas ob immediatam objectorum representationem ita nominare liceat), quæ, aut mundum, resque existentes quatenus illas cognoscimus, aut imagines phantasie quæ sunt, quasi res, esent & omnia circa has res aut veras aut imaginarias cogitata, serie sua nobis quasi in speculo repræsentant, cum e contrario illæ, quas nomine notionum universalium adhuc designavi, nullam rem sicuti rem repræsentant, sed ut verba in Lexico, ita illæ in mente sunt ad usum paratæ, quando illis uti volumus.

Diximus notiones illas simplices & compositas, quæ propriam & ab ideis realibus omnino diversam seriem constituunt, nomi-

nomine universalium insigniti; causam vero ejus denominatio-
nis exponendam esse censeo. Per se non sunt nisi singula-
res, h. e. certam relationem, affectionem, figuram, rem &c.
repræsentando exhibent, sed usus respectu sunt universales,
quia, æque apte & bene ad hanc illatum similitudinem rei, ac il-
lam designandam, utis uti possumus ⁱ⁾). Sed ut mens nostra
sit apertior, similitudinem sive imaginem rei, de qua disseri-
mus, proponere mihi permittat Lector benevolus. Littera
A, quæ ex metallo facta in armario officinæ typographicæ est,
per se & proprie considerata, est res singularis; sed quoniam
tam in Abracadabra, quam in Arma & in quovis verbo, u-
bi sonus τε A occurrit, adhiberi potest, universalē habet
usum, & eadem ratione, eandemque ob causam universalis
est nominanda, ac notiones de quibus sermo est. Ex qua si-
militudine, indolem universalitatis earum (videlicet notionum)
quisque optime intelligere potest ^{k)}. Quam similitudinem eo
quoque majorem & perfectiorem esse cernimus, cum scimus ty-
pos illos litterarum, non simplices tantum vocum partes re-
præsentare, ut a, e, b, &c. (ut notiones simplices rerum, v.
gr. viride, dulce &c.) sed etiam compositas partes & figuræ,
suntque saepius obveniant, ut & ^z, & t, &c. ut etiam notiones com-
positæ plures simplices continent, non aliter ac jam di-
ctum est.

i) Sicuti tabula picta collectoris supra memorati; quamquam in
se considerata singularis est figura, tamen æque adhiberi potest
ad unam ejusdem generis rem agnoscendam, ac alteram, itaque u-
niversalē habet usum.

k) Qui hanc universalitatem aliter cogitet, & aliquid proprii, ac
peculiaris indolis in notionibus hisce sibi singat, frustra id fa-
cit. Nam facile, si præjudicio liber es, observare potes, illas
non alia ratione esse universales, quam aratrum, cuius ope a-
rator unum fuleum in agro æque ac alterum findit, & lingua,
qua utimur tam ad unum verbum quam ad alterum profere-
dum. Quæ tamen vere singularia sunt.

Has itaque notiones sive ideas, quas, ut eo facilius realibus distinguantur, *instrumentales* nominemus, non solum in memoria paratas conservamus, sed etiam nomina, sive, ut Logici loquuntur, terminos illis imponimus; ut certus sonus, vel certa figura, aut, in universum, certum signum exterum, quod, ubi necesse sit, proferre valemus, cuique earum respondeat. Quod vero eatenus tantum fieri potest, quatenus occasio nobis praebetur cum aliis, quibuscum una vivimus, & eodem sermone uti volumus, nostram mentem ita communicandi, ut intelligent quam notionem hoc vel illa signo designandi animus nobis sit. Quod sit quasi indigitando ejusmodi partem rerum occurrentium, aut rem talem obvenientem, non aliter, ac praeceptor pueris digito ostendit litteram & nomen ejus litterae simul dicit, unde hi intelligere possint, figuram illam monstratam sano edito respondere: & veluti infantes omnes animadvertisunt, quo nomine adultiores denotant res obvenientes, non ut res ipsas solum inspiciant, sed ut ex rebus illis earumque partibus *notiones* sibi comparent, & nomina debita, i.e. ut alii homines illis utantur, notionibus suis adjungere queant. Observandum vero est, quod ex dictis luculententer patet, numero notionum instrumentalium, numerum terminorum non *ex æquare*, quoniam, & longe antea, inde scilicet a primis sensationibus, notiones ejusmodi immediate oriuntur, quam illis signa externa adnectere possumus, & termini, non nisi in occasione apta, ubi de denominatione & notionis determinatione, respectu terminorum, cum aliis hominibus convenire, aut nostram notionem ad eorum mentem adaptare possumus, notionibus affigi queunt. Quare certum est, nos multo pluribus notionibus instrumentalibus uti quam terminis designatas habemus.

D) Varie admodum Philosophi docuerunt de origine, indole & pretio notionum, quas illorum plerique universales appellarunt, ego vero instrumentales aptius nominandas esse putaverim. Ut de primorum philosophorum opinionibus dicere superficialeam, ut Jonicorum, Pythagoreorum, Eleaticorum, qui minus de illis,

illis, quibus usi sint, notionibus cogitaverint; *Plato quoque frusta originem & naturam earum investigavit.* Animadvertiscili, nos, ut Ciceronis verbis. (Academ. Quæst. L. IV. C. 7. utar, illa, quæ non sensibus ipsis percipi dicuntur, sed quodam modo sensibus, ut hæc: illud est albus, hoc dulce, canorum illud, hoc bene olens, hoc spatum, ille deinceps equus est, ille canis, animo jam tenere comprehensa, non sensibus: quoniam, cum sic judicamus, illas jam habemus necesse est; præterea videns nos illis solum in demonstrationibus uti, non ausem illarum e sensationibus originem, non potuit, quin crederet illas esse nienti insitas, & majori esse pretio, quam quæ sensibus percipiuntur. Hinc ejus doctrina de Idearum (sic enim notiones universales nominavit) natura, earumque ex divinitate ortu, &c. (Conf. TENNEMANN, Gesch. d. Philos. Th. II. p. 293.). Aristoteles, qui acumine sui ingenii cito jam observavit, notiones has etiam per experientiam, sive sensuum ope, acquiri posse, Platonis opinionem reliquit, & contrarium ejus ita ursit, ut nihil esse in intellectu, quod non fuerit in sensibus, diceret: vel ut TENNEMANN (Geschichte der Philos. Th. III. p. 46) sensa ejus exponit: *Man empfiadet zwar das Einzelne aber der Sinn ist unmittelbar auch das Vermögen das Allgemeine wahrzunehmen.* *Denn in dem Sinnlichen ist auch das Denkbare enthalten.* (Qui Aristotelis propria verba legere vult, illa in primis inveniet in Analyt. posterior. II. c. 19.) — Sed quamquam constanter docet, notiones universales esse sensibus perceptas, tamen nec ratione oriuntur, nec pretium eorum satis accurate exponit, nec ipse cognoscere videtur. Stoicorum sententia sere eadem fuit ac Aristotelis, (quod videri potest ex ORIG. contra Cels. L. VII. p. m. 367. edit. Hoësch. & PLUTARCH. de placit. philos. L. IV. C. II. Conf. BRUCKERI Hist. Crit. Philos. T. I. p. 917.) Ex recentioris ævi Philosophis, ut nihil dicam non modo de Theosophistarum opinione (quæ videri potest in BRUCKERI Hist. Crit. Ph. T. IV. P. I. p. 682.) sed etiam CARTESIIS, qui ut isti, notiones a Deo immediate nobis esse insitas docuerit, aut potius *nos omnia in Deo videre ob nexum inter spiritus & Deum, qui est quasi locus Spirituum,* (Vide de hac re MALEBRANCHE De inquir. Veritate, Lib. III. P. II. c. 6.) plurimi in eo consentiunt, quod nos, quoad fontem notionum universalium, illas ex experientia haurimus; præter nempe solum notiones absolute universales & necessarias, quæ ex præceptis

ceptis Kantianorum; nostratis Nic. Wallerii, aliorumque, a priori, h. e. ab ipsa natura intellectus originem suam ducunt. LOCKE maxima argumentorum mole persuadere lectoribus suis studet, omnia, etiam maxime universalia axiomata & notiones per sensationem & reflexionem, ut dicit, accipi; & sere totus Liber de Intell. Hum. circa hanc materiam versatur. (Conf. Encyclopedie ou Diction. raison. &c. à Neuchâtel. 1760. art. AXIOME). WOLF quoque (Psychol. ration §. 429) *Notiones universales*, inquit, non habemus, nisi quas aut a rebus sensu perceptis, vel iis, quorum nobis in nobismet ipsis consciit sumus, abstraximus, aut in talia resolvere valamus, que in individuis perceperimus, observata tamen doctrina Leibnitiana de inherentia omnis cognitionis originaria in Monade, ut modificationes ejus; de quo hic non agitur.) Et ipse KANT docet, non solum (Crit. d. r. Vern. p. I.): *Dass alle unsere Erkenntniß mit der Erfahrung aufange, daran ist gar kein Zweifel; sed etiam (l. c. p. 33): Vermittelt der Sinnlichkeit werden uns Gegenstände gegeben, und sie allein liefert uns Anschauungen; durch den Verstand aber werden sie gedacht, und von ihm entspringen Begriffe.* Sed de modis, quo oriuntur notiones, & de earum indole inter illos non minus reconvenit, quam verbis differe videntur. Quando KIESEWETTER (Weitere Auseinandersetz. der allg. Logik. p. 40) dicit: *Diese Vorstellung, die aus dem Verbinden des Mannigfaltigen der Anschauung in eine Einheit des Bewußtseins durch den Verstand entspringt, ist der Begriff; der Begriff ist also die Vorstellung einer Vorstellung, d. h. eine mittelbare Vorstellung des Gegenstandes;* Quando ABICHT (System des Elementar. Philos. pag. 52.) dicit: *Verknüpfungen sind Bestehungsarten, Formen der Gegenstände; Vorstellungen von Formen h. aber formale Vorstellungen; — und Vorstellungen vom Verknüpften h. Begriffe:* — Quando LEIBNITZ ea dicit, quæ supra p. II attuli; idem omnino seruerunt, quod LAMBERT (Neues Organ. Diana oiol. §. 17) his verbis exponit: *Da der Begriff der Arten und Gattungen nur die Merkmale in sich fasst, die die Sache mit andern gemein hat, so läßt man in diesem Begriff alle eigene Merkmale weg, und stellt sich die gemeinsamen besonders vor. Die Verrichtung des Verstandes, wodurch dies geschieht, nennt man Abstrahiren, absondern, abziehens. Man abstrahirt die gemeinsamen Merkmale von den eigenen, damit man jene besonders habe, welche sodann einen allgemeinen, oder abstrakten Begriff ausmachen:* & quod WOLE Logics.

gic. §. 716) his verbis tradit: *notiones universales comparantur* . . . 2:0 *Abstrahendo communia, quæ notionibus pluribus insunt: & denique quod dicit LOCKE (B.III. Ch. 2 §.7.): And thus they (Infantes) come to have a general Name, and a general Idea. Wherein they make nothing new, but only leave out of the complex Idea they had of Peter and James, Mary and Jane, that which is peculiar to each, and retain only what is common to them all: quæ omnia tamen modum unum quidem ostendunt quo nos ad notiones universales pervenire possumus, sed quo minimam sane partem eorum, quas habemus, revera consequimur.* Immediate enim & sine comparatione idea quæcunque sit instrumentalis, quatenus nos ad illam referimus objecta sive re's, ut contra singularis sive realis est, quatenus illam ad objectum certum referimus: & sic abeunt ideæ rerum, quando pleniores ideas earundem rerum accipimus, in universales. WOLF etiam hoc quodammodo sensit, ubi (l. c.) dicit: *universales comparantur notiones* . . . 1:0 *reflectendo super iis, quæ percipiuntur, & BOUTERWEK quoque videtur idem perspexisse, cum (Anttagssgr. der spec. Philos. p. 58) dicit: Begriffen sind die ersten Beziehungen des Verstandes überhaupt auf Objecte. Wir gewinnen Begriffe, wenn wir Etwas, das wir als Object überhaupt setzen, als etwas logisch Bestimmtes, d. i. durch das Denken von andern Objecten Abgesondertes anerkennen; & verba Celeberrimi Kant supra allata: durch den Verstand aber werden sie gedacht, und von ihm entspringen Begriffe, idem respiciunt. Sed non possum, quin existimem, omnes hos Philosophos non satis perspexisse naturam nostrarum notionum universalium; idque ejus rei causâ, quod inde a cana antiquitate majoris pretii illas haberent, quam revera habenda sint. Proveniunt modo simplicissimo; universales sunt ut supra explicavi; & quid dubii forsitan restet in animo lectoris, resolvere conabor in libro de Cognitione humana, quam quamprimum sum editurus. In illo etiam demonstrare conabor, omnia animantia notionibus universalibus uti, nostramque præceteris præstantiam, non in illis, sed in usu illarum rationali & libera, esse querendam. — Sed plura de hac re infra.*

Homo, quando ita notiones instrumentales in memoria coacervavit, illasque quasi in arca secum fert, ut, sicuti pecunia, viatori, sibi usui sint & serviant: & postquam his nos
C 3, tio

sionibus certa signa externa ita adnexuit, ut, quoties nos occurrat, toties etiam signum extra se, medio quodam, aut immediate nobis a Deo dedito, ut sono articulato, aut media te, ut scriptio, aliisve figuris & rebus externis, quarum usus nobis facilis sit, quasque in promptu habere possimus, proferre valeat; instrutus est instrumentis sive mediis necessariis ad sua cogitata exprimenda. Sed ratio, qua utitur his instrumentis exponenda est.

Habeo alicujus rei ideam; quam cum alio quodam homine communicare volo. Habere vero Ideam rei cuiusdam idem est, ut supra jam multis declarare conatus sum, ac scire, quae, qualisque sit illa res, h. e. quasi videre quibus constat partibus, & in qua relatione haec partes inter se invicem conjunctæ & ordinatae sunt, quatenus apprehendantur, aut quantum a me sint mente perceptæ. — Habeo Ideam, inquam: tum ad meam penum notionum instrumentalium me verto, & ibi circumspicio & perquiro, an sit, in illa, notio quædam meæ ideæ similis; quam si invenio, eam aut signo externo debito notatam esse, aut minus, simul video. Si illud, peracta est secunda mentis operatio; sed facile quisque intelligit, per paucas solum ideas, *) sive sint cogitando formatæ, sive sensuum aut conscientiæ sui ope perceptæ, habere accurate sibi respondentem notiōem instrumentalem, nisi ipse sint simplices aut casu quodam ita compositæ, ut iisdem partibus content, aut nominibus propriis antea denotatae, aut denique eadem notiones **). Quod vero cum rarius eveniat, (& cum eo rarius etiam existere debeat, quo verius est, nullius esse pretii notiōem nudam & jam cognitam in mentem alius provocare, n), hoc omitto, & confero me ad exponendum, quomodo agendum sit, quando ideam aliter formatam aut cogitationem, qua in idea certum aliquid observemus, proferre volumus. Antequam autem hoc facio, observandum quidem esse puto, nos, quando, quod cogitemus, exponere volumus, aut velle mentem alterius in unam solum certam rei jam cognitam.

gnitæ aut incognitæ partem, attendere & in ea ejus animum quasi figere, aut totam rem cogitatam describendo proferre, quod utrumque disputatione egere videatur; sed in illo tamen casu non aliter ac in hoc est agendum; quoniam de iis rebus tantum questio est, quas cogitamus, aut quas exponere volumus: non de cæteris partibus Idearum. Quare, si, quid in hoc sit agendum, explicavero, facili negotio intelliges (ut puto) rationem, qua mens in omni casu & statu, ubi sua cogitata cum altero communicare vult, id facere debeat. — Habeo, igitur inquam, ideam rei, quam describere volo: quæ tuum in collectione notionum instrumentalium, & inde, quasi depromo illas, quæ ideæ partibus sunt similes. Ex his, uti partibus, construo alteram ideam, *illi* cogitatae & exprimendæ similem, quatenus talibus instructus sum notionibus, ex quibus illam, partem pro parte, componere possum, ut fiat altera protypo suo, scil. ideæ primæ, tam similis, quam ejusmodi instrumentis adhibendis, fieri posse. Licitum mihi sit hic appellare illam *Ideam primam*, hanc vero ex notionibus partium compositam *Ideam secundam*. Quæ cum est facta, secunda in hoc ordine mentis operatio peracta est. (Vide supra p. 13.) o).

m) Nam quæ simul mens nostra ita apprehendit, ut uno conscientiæ actu percipiuntur, conjuncta etiam in memoria necessario manent, ut omnia simul in conspectum mentis proveniant, quando unum aut plura s. partem quandam illorum revocamus. Hoc necessario pendet ab ipsa conscientiæ natura, & a quovis philosopho esset perspecta, nisi alias diversas ideas pro eadem furerent. Quod vero nemo facere potest, qui observat, illam ideam tantum esse eandem, quæ eodem modo perfecte comparata sit, mox vero esse aliam, cum aut plures aut pauciores, aut alias partes quodammodo contineat. Sic revera habemus aliam seriem notionum instrumentalium pro quavis lingua, quam callemus, ut notio, cui terminus homo adhæreat, revera sit alia, (non aliter formata, sed alia tantum) quam notio cui terminus *menniska* adnexus sit, quamquam inter se similes, & eandem rem indicantes. Hinc evenit, ut verba unius linguae cum verbis alterius loquendo raro confundamus, adeo ut diffi-

scile sit a serie unius linguae notionum ad seriem alterius transgredi. Sed res in promptu est.

(*) Nempe respectu multitudinis earum, quae res spectant, & praeterea reales dictæ sunt.

(*) Si scil. notiones instrumentales ipsas cogitando tractamus, & cogitata exprimere volumus, quisque videt, nos statim posse invenire notionem instrumentalem, notioni cogitatæ respondentem.

a) Quis enim est, cui ridiculum non sit, audire aliquem nomen aliquip rei proferre, nihil autem ulterius de illare dicentem? Nonne ille tedium quodam quasi incitaretq; ad querendum: Quid de illa re? — Si quis clamaret: Holmiam, præterea nihil dicens, quisque illius vocem qui audiret, suo iure cogitaret: quid de Holmia ille dicere velit? quid mirum ille cogitet? sine ille sanus? e. s. p. nisi alias sat est ad rem in conspectum mentis provocandam, ut id, quod de illa exhibere velimus, sua sponte ille inveniat qui audit. Sufficeret enim ad omnem Viduæ dolorem renovandum, si occupatione quadam retentus hebesceret, matriti amati & desiderati ideam, quamvis solam, illo nominando, provocare.

b) Si quis hic quereret, an semper sic informemus Ideam secundam, antequam illam signis externis proferamus, responsum infra inveniet.

Ut vero mea cogitata clarius eluceant, observes, hanc mentis actionem esse persimilem typothetæ in officina typographica. Idea, quam primam vocavi s. realem, respondet verbo manuscripti. Typotheta, qui illud inspicit, quæ sit in armario typorum litteras singulis partibus verbi respondentes, aut sint simplices vel compositæ, & postquam illas invenit, ex illis in forma sua constituit verbum verbo manuscripti simile, quatenus scil. ex typis suis illud construere potest. Notandum vero est: 1:o Typothetam statim invenire typum verbo primo respondentem sine constructione, si antea typum eodem modo compositum in armario suo habeat, aut si verbum simplex

plex littera sit, ut quando *si* (conjunction.) aut *si* (imperat. ab *ire*) aut *o* (Interj.) exprimere debet; non aliter ac mens facit, quando in exhibendis nominibus propriis aut ideis simplicibus &c. versatur; 2:o Typothetam alias figuræ in formam suam ponere non posse, quam quæ sunt in armario suo; ut etiam mens alias ideas exprimere nequit, quam quarum partes in notionum suarum instrumentalium serie invenit; & 3:o illis typis typotheta non potest uti, qui, brevitatis aut alijs cujusdam vitiæ causa, chartæ sub prelo non committit debitam figuram, et si ipse videt typum esse eundem, quo egeat — omnino sicut mens, quæ ejusmodi notionibus non potest uti, quæ, quamquam ex serie notionum instrumentalium sunt, & constructioni ideæ secundæ bene inservient, terminos five signa externa debita sibi subnexa non habent.

Exemplum adhuc apponam. Ideam figuræ cujusdam, ut certi quadrati, cuius latera 3 ulnas longa-sint, tibi fingas, illamque qualis in mente tua sit, cum alio, qui latiam linguam callet, communicare velis. Quæreris igitur inter notiones tuas instrumentales verbis latinis denotatas, illas, quæ partibus figuræ tuæ respondent, & invenias e. gr. notionem figuræ ex quatuor lateribus & rectis angulis constructæ, cui nomen *rectangle* affixum sit, notionem *equalis*, notionem *trium*, notionem *ulnæ* &c. Ex his notionibus construis tibi ideam figuræ. Ideæ primæ similem, & peracta est operatio mentis secunda,

III. Terminorum five signorum extenorū prolatio: — cogitationis per instrumenta externa expositio.

Idea secunda (vid. p. 23) confecta, ad exponentiam I-deam primam adgredi licet. Quod fit, aut voce, aut manu, aut alio quodam instrumento, quo res externas afficere possumus, proferendo signa externa notionum, ex quibus constat Idea secunda, idque eo ordine iisdemque rationibus, ac notiones in mente sunt in idea secunda ordinatae & inter se sicutæ: ut typographus, postquam formam suam paratam habet,

sub prelo in charta imprimit idem verbum, quod ei in manuscripto erat traditum ut illud typis imprimueret. Itaque idea prima sive cogitatum mentis expressa est.

Hoc loco vero obliervandum est: 1o operationum mentis, quas (II & III) descripsi, saepissime ita immediate alteram sequi alteram, ut inter se non sine difficultate distingui possint. Saepissime enim statim, ac notionem parti cuidam, certo tamen ordine suntae, ideæ primæ, respondentem inventimus, signum illius notionis edimas, & sic secundæ, tertiae, &c. usque dum stent signa omnium notionum, in secunda idea usurpandarum, externe eodem temporis momento expressa, quo ideam hanc intus extructam habemus: & cum habitu notionibus & signis bene & proinde utendi contraximus, vix ulterius animadvertisimus notiones instrumentales, quibus utimur, sed quasi ineset notio in verbo sive signo, immediate fere a prima idea ad signa proferenda transgredimur. Quod tamen non impedit, quominus semper mediate fiat; & tantum a nobis minus observatur, quando non idealium rebus cogitamus, i. e. quando non de rebus cogitamus, sed tantum notiones instrumentales inter se confemimus & tractamus p).

2o Non solum partibus ideam primam constituentibus, sed etiam earum relationibus, modoque, quo inter se conjunctæ sunt, respondeant notiones instrumentales & signa externa, si accurata fiat cogitati expositio. Hinc casus, modi, particulae &c. linguarum q).

p). Hac in re, scil. quod non distinxerunt inter ideam secundam & primam, errarunt plurimi, qui de communicatione cognitionum scripserunt. Ut vero præterea ea, quæ de natura & indole sermonis scribit J. F. BUDDEUS (Elem. Philos. instrum. P. II. C. 1.), Lectorem remitto ad LAMBERTI Semioticam (N. Organ. P. III.), ubi videbit fere ne verbum quidem de-

discrimine cogitationum ipsarum & instrumentorum, quibus illae exponantur, dictum esse; idque & ubi de cognitione nostra symbolica in universum agit, & quando proprius ad īdolem linguarum considerandam adgressus est. E contrario signa cum notionibus signatis, & has cum cognitione nostra de rebus & argumentis obvenientibus, ubique confundit. LOCKE, qui, in III:o Libro Operis jam citati, præ fere omnibus tam prolixo & simul tam vere de terminis eorumque usu disputat, ut, quæcumque dicat summa attentione sit digna, tamen quoad illud, de quo loquimur (scil. quoad modum, quo utamur terminis ad exprimendas ideas primas sive reales, mediantibus secundis) non satis rationem rei explicat. Neque PLATO, qui in Cratylō suo tam fuse de nominibus disserit, neque ARISTOTELES, qui (De Interpretatione, et de Anima) prolixo de natura sermonis loquitur, neque alijs ex veteribus quisquam, hanc rem perspexit — Et WOLF, quamquam satis superque de propositionibus & de syllogismis, quæ semper ideam secundam aut potius verba solum spectant, scribit, obiter tantum de terminis, & de illis quidem non accurate, minime vero de earum vera relatione ad cognitionem nostram realem, agit.

(q) De hac re consulere potes BUDDEUM (l. c. §. VIII &c.), LAMBERT (Organ. Semiot. in primis VI:s Hauptstück) & præcipue LOCKE (Essay eonc. H. Underst. B. III. Ch. VII.)

3:o Ex dictis patet, multas saepissime notiones instrumentales & verba esse necesaria ad exprimendam unam ideam realem. Si machinam quandam cuius ideam tenes, describere vis, quot verbis tibi est utendum! Totum fere volumen requiritur ad ea accurate exponenda, quæ immediate & uno fere conscientiæ actu percipis. Fæc periculum accurate describendi folium arboris cuiusdam, ut quercus; & mox videbis tibi longa oratione esse opus; & postquam multa verba fecisti, videbis te, sine figura picta, difficultime posse omnia in illo percepta exponere, quæ uno fere obtuitu longe perficius sensu excipis.

*IV: Impressio per sensus, qua termini sive signa externae
sensibus in mentem alterius excipiuntur.*

Tres illæ operationes, quas hactenus exponere conatus sum, ad illum pertinent, qui sua cogitata alteri tradere cupit, & expressionem cogitationis absolvunt; reliquæ vero ad illum, qui signa prolata vult intelligere, ut communicatio Idearum ad finem usque perducatur. Quod vero non nisi tribus operationibus perfici potest, quarum prima est signorum prolatorum sensuum ope exceptio, ut mens alterius signa illa percipiat. Dicimus autem sensuum ope, quod Sensus dicitur, quo percipit Spiritus s. mens quid extra se r); qui sensus autem, cuiusmodi sint, quaque ratione per illos externa percipiuntur, non pertinent ad meam disquisitionem. Nos vero, ut inter omnes constat, signa externa excipimus audiendo, si voces sunt, videndo, si figuræ, tangendo, si sub tactum cadunt, & sic porro.

r) Sinn, sensus, sens ist die Fähigkeit der Empfindung, also die Möglichkeit der Anschauung in der Gegenwart des Gegenstandes . . . vermittelt desselben (Sensus externi) stellen wir uns Gegenstände als ausser uns vor. MELLIN Wörterb. d. Krit. Philos. Art. Sinn,

V. Actus, quo notiones instrumentales, quibuscum signa illa percepta, ex conventione antea facta, connexa sunt, in conspectum mentis provocantur. Et ordine debito construuntur.

Si homo hominis cogitationes, ratione dicta expressas, intelligere unquam poterit, necesse est habeat easdem notiones instrumentales, illisque eadem, ac alter, signa externa subnexa. Quas vero si habet, cum sensibus signa prolata exceptit

pit, & eorum ideas mente tenet; perquirat seriem suarum notionum instrumentalium, & quamque, cui simile signum adjunctum esse invenit, inde defumat, & in conspectum mentis proferat, atque ita illas in mente sua ordinet & construat, ut ordo illarum ordini signorum perceptorum, aut potius ordini, per signa recepta indigitato, respondeat.

Hic observanda sunt sequentia: 1:o per se ipsum cuique liquet, neminem posse intelligere signum, cuius notio nem debitam in collectione suarum notionum non inveniat, vel, si adsit hæc notio, attamen cum illa idem signum non sit conjunctum: 2:o id, quod ille, qui cogitata sua exprimit, disolvit, huic, qui signa proposita intelligere vult, rursus componendum est, & quod ille per analysin sive totius Idee in partes suas resolutionem exposuit, hic per synthesin sive recomponendo partes illas, in unum redigere studet, ut eadem idea ei eveniat: 3:o Ut vero hoc clarius tibi eluceat, sume librum & legere — Legens vero si animadvertis ea, quæ in animo tuo contingunt, facile videbis te notiones signis respondentes in ordinem dictum redigere, si alias ea intelligas, quæ legis.

VII. Idea eadem exsistat in mente alterius; quam alter ei tradere voluerit, & communicatio cogitati peracta est.

Sicilicet, ex notionibus suis, tamquam ex partibus, Ideam ad indicationem signorum comprehensorum, sibi construit mens, primæque Ideæ eatenus similem, quatenus omnes hæ operationes accurate & distincte peractæ sunt, ut cuique facile est intellectu.

Dicis fortasse sextam hanc operationem a quinta non differre. Sed observandum est, Ideam, quæ in sexta statione existet:

existet non modo esse finem & effectum quintæ; sed etiam propriam mentis applicationem & actionem requirere. Quod facile quoque perspicias. Si perlegis librum, qui descriptionem machinæ cajusdam continet, immediate, legendo & ad regulam quintæ nostræ operationis componendo notiones signorum, sequeris expositionem auctoris; sed perlecto libro, omnia quasi in unum redigere velis, & machinam descriptam tibi representantes. En actionem sextam, & ultimam, quoniam, si idea machinæ bene in notiones resoluta, notiones vero bene signis expositæ, signa autem bene percepta, hæc vero percepta in notiones debitas rursus permutata, & notiones deinde recte compositæ & in totum redactæ sunt, eandem omnino tenes ideam, quam auctor libritibi tradere voluit. Præterea, quis est qui nesciat, quot homines multos libros perlegant, & tamen, quamquam quintam operationem bene peragant, & mentem auctoris, sequendo verba ejus, intelligent, nihilominus, perleatis libris, ob intermissionem sextæ operationis, nihil fere sciant, illisque fere nihil ex omnibus cognitum restare: Multi periegunt & separatim etiam bene capiunt propositiones & demonstrationes in Elementis Euclidis contentas; sed quotus quisque est, cui totum systema, quale in mente auctoris fuerit, notum est? Paucitatem illorum nempe videbis, si scis, quot sint, qui, postquam singularum propositionum &c. obliti sunt, ex idea totius, systema totum denuo condere possint. Id, quod docet, quomodo legere debemus libros, scilicet non ut in verbis & notionibns instrumentalibus insistamus, sed ut eandem totius ideam acquiramus, quam Auctor, scribendo, verbis exponere voluit.

Cuique igitur eorum, quæ de hac re dixi, satis intelligenti, perfacile est perspectu, null in utique harum operationum posse absesse, quando manifestum futurum sit alteri, quod alter cogitat, aut quod de aliqua re cogitavit. Præterea his partibus absolvitur vera methodus communicandarum cogita-

gitationum inter entia cogitantia, quæ finita sunt, quæque non nisi instrumentis quibusdam externis communicationem quandam inter se invicem habere possunt.

Ut vero tandem melius pateat lectori, quod hactenus eonatus sum explicare, tabellam, seriem operationum laudatarum exhibentem, apponam, quæ hæc est:

1. Idea realis, sive cogitatio de re quacunque.
2. Notionum instrumentalium conquisitio & ordinatio ad protypum illius.
3. Signorum externorum prolatio.
4. Apprehensio signorum eorundem.
5. Notionum instrumentalium conquisitio & ordinatio ad exemplar signorum sensibus comprehensorum.
6. Idea, ideæ primæ similis, ex notionibus ut partibus constructa.

§. 3.

Tribus igitur ordinibus sive seriebus rerum diversarum utamur necesse est, si de rebus cogitata, inter nos mutuo communicare volumus; nempe 1:o Ideis rerum de quibus cogitamus, sive Ideis realibus res aut vere existentes aut imaginarias repræsentantibus: 2:o Notionibus instrumentalibus, quæ, ut verbis Platonis utar, quasi sermonem internam efficiunt, & 3:o Terminis sive signis externis, ejusmodi, ut in conspectum alterius, sive sub sensibus alterius subjici & ab illo percipi possint.

Inter Philosophos vero multis est disputatum, quantum singula horum trium, quanquam a plurimis non satis inter se distinctorum, cognitioni & cognitioni nostræ infer-

serviant. Fuerunt alii, qui putarent, homines non nisi ope notionum instrumentalium cogitare posse; s) alii vero, qui adhuc censerent, nos sine usu verborum sive signis externis posse notiones nostras nes determinare, nec illis uti, quia partim essent vagae & indeterminatae, partim vero confusa, obscuræ, & facile e memoria exciderent t). Quæ tamen paucis attingere liceat.

s) Sic omnino plerique, ut supra memoratum est. (CICERO, ad verba p. 19 allata, addit: *sine quibus* (scil. notionibus universalibus) *nec intelligi quidquam, nec queri, aut disputari potest.* c. l. p.

t) Vide e. gr. ea, quæ de hac re disserit LAMBERT (N. Organ. Se-miot.) & quæ claudit his verbis (l. c. §. 12.) *Aus den bisherigen Betrachtungen erhellet nun, daß die Symbolische Erkenntnis uns ein unentbehrliches Hülfsmittel zum Denken ist &c.*

1:o Cogitare possumus solis ideis realibus, scil. illas considerando, tractando, conferendo & relationes earum mente percipiendo. Id cuique patet, tam ex ipsa re, quam ex supra allatis, si alias de notione cogitandi ulterius disputare nolit.

2:o Cogitare etiam quidem possumus notionibus instrumentalibus, scil. illas considerando, conferendo &c. sed isto modo earum tantum mutuam relationem, & quales sint, videre possumus, ad res vero, ut res, ejusmodi cogitata non pertinent. Possumus tamen earum ope etiam de re aliqua cogitare, ita scil. ut Ideam rei cuiusdam cum illis, ut cum certis partibus vel determinationibus rerum separatis, totisque rebus præterea omisis, conferre, & relationes, quæ inter illas eo respectu intercedant, ita cernere queamus, ut sciamus, quid sit eventurum, si res, de qua agitur, in ejusmodi situ, ordine, relatione &c. venerit. Notiones instrumentales videlicet, non ita res spectant, ut ex illis de rerum vera ex-

fisten-

sistentia, indole, &c. quidquam scire possumus, sed tantum cogitando relationes possibilis videre & detegere, quas de rebus sub ea conditione praedicare possumus, ut antea sci-
mus rem revera ejusmodi esse, cuiusmodi illam cogitaveri-
mus, i. e. quatenus cum Idea, quam ita contulerimus, sit si-
milis, ut quid de hac, etiam de illa dici possit.

Res sunt, qua tales, semper singulares, ideæque, quæ res repræsentant ut sint, eodem modo se habent, notiones autem instrumentales sunt ea ratione universales, quod æque illi rei, ubi similitudinem sui inveniunt, ac huic, respondent, non tametsi quod per se sunt alius indolis ac illæ. Littera semper est singularis quando per se consideratur, sed usus respectu universalis est, quoniam ita in uno verbo scribendo, ac in altero poni potest. Ac, ut puer, in formandis litteris, jam ante, quam quidquam continui scribere incipit, itaque antequam experiendo litterarum in verbis relationes novit, tentare potest, quatenus earum figuræ inter se discrepent aut convenient; ita omnino Mens valet notiones suas inter se conferre, illas transponere, dividere, componere e. s. p. illarumque relationes observare, antequam sciat an sint res de quibus hæc omnia aliqua ratione praedicari possint, nec ne: sed cum obvenit res, quæ notioni alicui earum respondeat, sta-
tim cognitas sibi habet ejus rei plures relationes, quatenus illas antea inter notiones in abstracto perspexerit, quamquam hæc notiones per se non attineant ad res ut sunt.

3:0 Fuerunt quidem, qui putarent signa externa esse no-
bis ad cogitandum pernecessaria; attamen res summatim sum-
ta longe aliter se habet. Pluribus multo notionibus in cogi-
tando utinam, quam quibus signa externa adnexa sunt; quod patet, tam ex ipsa rei indole, quia inter notiones & signa nullus est nexus necessarius, quam ex quotidiana experientia,
quæ testatur verba lape nos deficeret. Cogitationes, si vana
verba non faciamus, a verbis longe lateque diversæ sunt,

quamquam eorum usui ita adsueti sumus, ut cogitationes nostras quasi a tergo insequantur. Sed ejus rei causa credere, verba esse ad cogitandum necessaria, idem omnino est, ac putare, digitum naso imponere esse ad rem accurate perpendicularam necessarium, quoniam quisquam eidem adsuetus sit, aut ire pedibus ad bene cogitandum, quia Rousseau dicitur ita fecisse, cum opera sua immortalia cogitando elaboraret; e. s. p. Nonne, quæro, natu surdi, hincque muti tam bene cogitant quam illi, qui auditu & usu linguae fruuntur? aut nonne illi, jam æque bene cogitant, antequam arte, a Petro Pontio Hispano u) inventa, loqui didicerint, ac postea, quando verba proferre valeant? Sane ita est. Notio enim, quamquam signo externo caret, cogitationi bene inservire potest; signum autem sine notione nullius omnino est pretii. v).

u) Vide de hoc homine, & de arte surdos & mutos loqui docendi, nec non de aliis, qui de illa arte scripserunt &c. MORHUS Polyh. Fitter, Lib. II. Cap. III. & Lib. IV. Cap. I.

v) Quod LOCKE (B. IV. Ch. 5. §. 4. &c.) dicit: *That most Men, if not all, in their Thinking and Reasonings within themselves, make use of Words instead of Ideas, &c.* potius meam firmat sententiam, quam veritatem ejus imminuit. Nam, ex contextu cogitationum ejus, luculenter patet, illum per *Words* sive *Verba* hoc loco intelligere non sola verba, sed verba cum notionibus suis instrumentalibus conjuncta, (quamquam hæc notiones apud plerosque valde vacue & inanes sint); præter quod nullus omnino sensus inesset in verbis, ut dum legimus librum, lingua utique nobis incognita conscriptum.

§. 4.

Ex dictis constat, sequentia in Logicis, ubi regulæ s. normæ vere cogitandi tradantur, esse notanda:

1:o Definitiones, quibus notiones universales determinantur, minime res ipsas determinare; nec ab illis ad conclusionem valere. Definitio Spiritus,

Spiritus Cartesiana, ut etiam Leibnitii & aliorum, non est pro spiritu, ut in se sit, sumenda, nec inde ratiocinando deductæ propositiones pro veritatibus realibus habendæ. Ex quaque quidem definitione, ut ex unaquaque notione, ex gr. ex notione *Temporis & Spatii* Kantianorum, plures, saepe etiam infinite multas propositiones sive enunciationes deducere possumus, (ut fere omnis eorum doctrina de elementis dynamicis, &c.) sed totum hoc systema propositionum, majore non gaudet veritate, quam definitio sive notio, unde deductum est, & id cum hac, una stat & corruit.

2:o Quando judicamus, minime duas notiones conjungimus aut separamus, quamquam ita docere videntur fere omnes Logici inde ab Aristotele, usque ad Kiesewetter & ceteros. Nam ea, quæ non, in subiecto judicii, sive idea rei, de qua judicium ferimus, jam insunt, nulla ratione ei subiecto sive rei tribuere possumus, & contra. Nobis judicaturis una tantum idea, scil. illa de qua sit judicandum, opus est; judicare enim idem omnino est, ac animadvertere, cernere, observare, an sit certum aliquid in idea oblata, nec ne. Libenter quidem fateor, saepissime accidere, ut illud notione quadam universalis animo exhibeamus, quod in idea rei quærendum sit; sed ut, in evolvendo lexico sive vocabulario quodam, eo scil. consilio, ut videam an sit in illo vocabulum certum observatum, non possum dici aut vocabulum illud lexico adjicere, aut e lexico excludere, quando locum ejus inspicio, illudque ibi esse, aut non esse video, sed tantum illud invenire vel non invenire; ita quoque in judicando de re quadam, Ideæ ejus rei nihil adjicimus, nec partem quandam ei adimimus; sed tantum observamus, aut invenimus, utrum insit illud, quod quæramus, in re, an minus. Res vero

longe aliter se habet, quando notionibus instrumentalibus & verbis excipendum sive exprimendum est nostrum judicium. Tunc scil. debemus duabus notionibus sive verbis diversis ut: altera, tanquam signo totius ideæ de qua iudicium latum sit, (quæ notio aut terminus sit subjectum enunciationis sive propositionis); altera tanquam ejusdem ideæ partis signo, quam vel inveniendo vel minus, judicium tuimus, (quæ notio aut terminus est prædicarum enunciationis). Subj etum igitur & Prædicatum in propositionibus, aut hæ sint tantum notionibus instrumentalibus intra nos propositæ, aut extra nos verbis sive terminis expositæ, semper sunt diversa, duæ scil. notiones, quoque termini diversi; sed in mente, quæ iudicat, semper in una idea continentur. Pettinet itaque doctrina de subjecto & prædicato, quatenus pro diversis habentur non ad cognitionem propriæ dictam, sed tantum ad notiones instrumentales, quibus idea secundâ conficitur, & ad terminos, quibus cogitata nostra extra nos ponimus.

3:o Quando subjectum, in propositione quadam, sumitur cum conditione, vel ubi de illo dicitur omnes & quidam e. s. p. attinet id tantum ad verba sive terminos, raro ad notiones in universum sumtas, nunquam ad ideam realem vel illam, quæ loco realis nobis est, & de qua judicamus. Subj etum judicii semper est tale, quale per ideam suam est repræsentatum, nam eatenus illud tantum cognoscimus; sed ubi non invenimus notiōnem instrumentalem aptam ad illam ideam designandam, præsertim verbis certæ linguae notatam, pluribus notionibus & terminis uti cogimur, si Ideam secundam tæqualem primæ facere volumus, & propositionem ei respondentem proferre: ita scil. ut nec plus nec minus debito contineant notiones & verba, quam & eorum;

rum exemplar in mente contineat, quod est idea, quam
vocabimus *primum*. Exempla in omnibus fere libris ex-
stant, ubi de iudiciis & propositionibus agitur.

4:6 Ex modo dictis constat, nulla omnino iudicia esse
particularia, quamquam ob defectum vocis idoneae,
propositiones particulares existunt. Sed omne iudicium
est aut universale, quando subiectum est notio instru-
mentalisa, quoniam quod de notione valet, valet ut no-
tio ipsa, aut singulare, quando ideam realem respicit.

5:6 Iudicia universalia omnia, respectu rerum ipsa-
rum, sunt hypothetica, sive in hypothetica resolvi
posunt. — In quoque enim eorum quasi dicitur: si res
eiusmodi vel hujusmodi est; ita aut aliter se habet. Cum
dicimus: in quoque triangulo rectangulo, est quadratum
lateris angulo recto oppositi, aequale quadratis cetero-
rum laterum; nihil aliud dicimus, quam: Si obvenit vel
cum obvenit triangulum rectangulum &c. Quod etiam
est quasi criterium, quo possumus distinguere iudicia u-
niversalia, b. e. de notionibus instrumentalibus tantum
lata, a iudiciis, quae res spectant. — Idque adeo, ut
etiam valeat de iudiciis maxime universalibus, nullis o-
mnino exceptis, ut de principio contradictionis, quod re-
ete his verbis exponi potest: *Si quid est, non potest idem*
simil non esse: sed aliquid esse, hinc non sequitur.

6:6 Distinctio, quam inter iudicia analytica & syn-
thetica fecerunt, & tanti aestimaverunt quidam Phi-
losophi, respicit tantum verba, non cogitata,
minime res ipsas. Iudicia per se non sunt nisi analyti-
ca; nam in omni iudicio tantum observamus, utrum sit
certum aliquid in Idea oblata, nec ne. Sed quando, per
notiones instrumentales & verba, iudicium nostrum ex-
ponere volumus, maxime interest, qualibus notionibus &

verbis uti aut possim aut velim. Scil. in penuria notionis aptæ, cui verbum sive signum externum debitum subnatum sit, notionem, cum verbo suo, minus aptam, adhibemus, quæ aut minus, aut magis debito continet. V. gr. ex Ornithologia accepi notionem generis cuiusdam avis, quæ notio plures partes sive notas non habet, quam quæ ad rostrum avis pertinent, & ita sunt comparatae, ut avem ejus generis ex his notis, ut ex signo aut numero quodam imposito, quasi esset nomen avis in rostro ejus inscriptum, agnoscere possum, quando mihi in re obvenit. Videns vero avem, non solum rostrum ejus video, sed multa etiam alia ei propria, ut magnitudinem, colorem, figuram & situm partium, & plura ad illam, genusque illius pertinentia; sed cum illam describere volo, non est mihi cum aliis hominibus alia notio & nomen commune, quam illa & illud, quod in Ornithologia legi, quo uti possum, quando alios certiores facere volo, de qua ave loquar. Tum certe non nisi propositionibus syntheticis meam mentem aperire possum; scil. nihil eorum, quæ de illa ave dico, est in notione ejus, aut sub nomine antea comprehensum; tamen in mente mea nihil adpono, quod non in idea avis reali jam insit, e. s. p. Quis etiam est, qui non intelligat, nos una lingua, per propositionem analyticam idem judicium efferre posse, quod, quando alia usi simus lingua, per propositionem syntheticam prolatum fuerit?

Etiam in universalissimis & maxime necessariis propositionibus & judiciis res eadem est & manet. Quod de nihilo & aliquo prædicamus, in ideis eorum certe esse debet; & unde hæ ideæ, nisi inde, unde omnium rerum ideas hausimus, nempe ex experientia? Cum figuratur res ut extensas & durantes experimur, sane non extensionem nec durationem illis adjicimus, sed illam ac hanc simul cum rebus ipsis accipimus.

For-

Forsttan erunt, qui mihi h̄c dicenti rideant, quia a-
mant dicere, certa prædicata ex ipsa facultate nostra co-
gnoscendi oriri, & ipso usu ejus facultatis, objectis ad-
jici, itaque non ad objecta pertinere, nisi quatenus a no-
bis cogitentur aut percipiantur. Sed cum his alio loco
disputatio est instituenda. Interim observandum est:

Zo Conclusionem respectu originis idearum vale-
re non a parte ante, sed tantum a parte post (ut
ajunt Scholastici). Data idea reali, animadvertere &
propositionibus exponere quidem possumus ea, quæ in
illa idea continentur, ideam vero ipsam creare, nobis
non est datum, nec ab illa ad originem partium ejus
conclusio valet, nisi quatenus in ipsæ ideæ ortu data &
manifesta est. Data quoque notione universali, cogitau-
do possumus relationes ejus ad alias notiones animadver-
tere, & alias sub illa ratiocinando subsumere; sed postu-
lare aliquid universalioris tanquam veri & certi, conclu-
dendo ab illa, est stulti non sani hominis; nam non ve-
ritas sed tantum hypothesis incerta ea ratione elici pot-
est. — Si igitur inessent duo omnino diversa in objec-
tis obvenientibus, sive potius in ideis eorum, alterum
seit, absolute universale & necessarium, alterum vero non
nisi singulare & accidentale, certe possemus illis isto
modo uti, quo omnibus notionibus cogitantes utimur,
sed ad originem illorum ab illis concludere non est li-
cetum. Nam pone quod datum est in re, non nisi ope
notionum instrumentalium venire quodammodo possumus,
& in illis nihil realis, omnino secundum tritam illam re-
gulam: *posito consequente, non ponitur antecedens*, sed
tantum frustra postulari potest x). Quare nihil est quod
dicant spatium non ad res ipsas, sed tantum ad nostram
sensualitatem attinere, usque dum quispiam videat ideam
spatii revera e sensualitate nostra oriri, i.e. usque dñm:

experiendo, & non tantum concludendo, id invenerit,
quod certe adhuc nemini contigit.

x) Nam pro certo a priori habeti non potest, tertium non dari
posse.

§. 5.

Ars disputandi, sive Dialectica veterum, mater fuit Logices, ut haec adhuc inter nos vivit vigetque, & filios & vultum matris nobis adhuc ostendit. Ut vero cognitum habemus, quantum ars disputatoria, qua alius aliorum dicta refutare, huaque defendere & demonstrare valeat, a Sophistis græcis, ut etiam a multis sectæ megaricæ asseclis, & pluribus adhuc apud veteres, elaborata & fere perfecta fuit; ita quoque constat, cunctam hanc artem illorum, verba tantum & notiones instrumentales respexisse. Videas, si de hac re dubites, eorum nugas, syllogismos cornutos, occultos, mentientes, calvos &c. apud illos, qui de hac re scripsierunt y), & facile concedas, Dialecticam illorum, non rerum cognitionem, nec veri inventionem, sed solum sententiarum suarum, pro lubitu acceptarum, defensionem artificiosam spectasse. Disputabant de rebus, non ut cognitionem rei exponerent, sed ut aliorum dicta refutarent, &, ut in castris armis, ita in philosophia syllogismis, adversarium suum vincerent, & variam victoris gloriam asportarent. Omnia hominis causa; nihil vetiatis.

y) E. gr. apud BRUCKERUM Hist. crit. Philos. Tom. I pag. 613 & 614.

Quando vero boni viri, sua, veritatis ipsius causa, cogitata, aliis tradere, illaque contra fallacia ratiocinii sophistarum defendere, voluerunt, necessarium illis fuit, nugas eorum nudare, & regulas inquirere & expōnere, ad quas verba

ba & notiones, quibus ea, quæ cognoscunt homines, cum a-
liis communicare velint, ordinanda & redigenda sint; ut non
solum impetus adversariorum sustineat, eorum conamina de-
cipientia avertere & funditus evincere, sed etiam alios, audi-
tores & letores, de veritate dictorum eyincere, possent. Id
quod nemini, ut Aristoteli, contigit. Invenit illé modum, quo
verba inter se conjungere debemus, ut, cum de primis præ-
missis conveniat inter homines, nihil sane contra illa dici pos-
sit, sed omnes illis concedere cogantur. Scil. observavit in eo
efficiendo opus esse tribus rebus & operationibus: primo: *ver-
bis*, quibus eandem notio[n]em adnexam habemus; secundo:
propositionibus sive *judiciis*, in quibus duæ notiones sive ver-
ba aut conjunguntur affirmando, aut separantur negando; &
tertio: *Syllogismis*, quorum ope propositiones ita inter se
connecti posunt, ut tertium judicium, respectu terminorum, ex
duobus certo eliciatur. Sed intelligens, hoc modo & ordine
incipiendum esse ab universalissimis, quæ inter omnes con-
starent, & quæ propterea nulla egerent demonstratione, quæ-
sivit & investigavit notiones universalissimas, quas catego-
riarum nomine insignivit &c. En originem Logices artis! sa-
ne artis nomine dignæ; quia mechanicam tantum quandam
terminorum & notionum structuram, æque ac grammatica, do-
cet. — Hinc omnia præcepta de Definitionibus, Axiomati-
bus, Postulatis, Propositionibus, Syllogismis, Demonstrationi-
bus, Scientia, Vero, & Certo, in logica obvenientia. Quæ
vero omnia, ut illa ibidem exstant, utique non respiciunt
cognitionem & veritatem, uti mox exponam, sed cognitionis
expositionem & defensionem; ut recte caput ultimum logices
agat de disputatione, ut sine totius operis,

Mirum non est, quod Aristoteles, Artis suæ novitate &
certitudine captus, ei ita indulxit, ut illam pro fonte omnis
certi & veri haberet & exclamaret; sed maxime est miran-
dum, homines hactenus verum ejus pretium non perspexis-

fe; cum jam Epicurus tantopere de hac re in sua canonica monuisset *), & Stoici, totam philosophiam cum ovo comparantes, quasi inspiratione quadam, Logicam cum putamine sive testa contulissent, physicam autem & ethicam cum albumine & vitello; 2) scil. defensio philosophiae in illa nititur, non philosophia ipsa. Quod ut clarius eluceat observanda sunt, quae sequuntur.

*) Conf. CHA. A. HEUMANNI Conspic. Reip. Litter. Cap. V.
§. XXVI.

b) Guillelm. Dti. Val incipit Praefationem suæ Synopseos anal. univ. doctrinæ peripath. (P. II.) his verbis: "Praecclare quidem & mea judicio sapienter Stoicæ disciplinæ principes, Philosophiam, ejusque partes varias populari quadam ratione, atque ut loquitur pasim Aristoteles, ὡς τὸ πῶ, describere olim aggressi, eam tripli- ci potissimum imagine ac similitudine, Agri scil. Ovi & Animalis, expresserunt. Cum enim illi totam Philosophiam dicerent esse ve- luti pulcherrimum quandam & feracissimum agrum, multis quidem resertum flosculis & fructibus, sed forti sepimento undique circum- vallatum; sepe quidem ajebant esse Dialecticam; terram vero, flores, & arbores, Physicam; fructus denique, Ethicam. De ovo, itidem. Sic enim illi cum ovo posse Philosophiam comparari dicebant, ut exterior pars, id est, putamen, sive testa, Logicam; albumen Ethicam; interior vero pars, i. e. vitellus, Physicam re- ferre videretur. Cum animali autem longe perfectius ac elegantius. Oslo, enim & nervos esse Logicam (en falsam imaginem dicere debuerant: cutem, pilos, dentes, ungues & cornua esse Logicam); partes carnosas &c. Ethicam; animam vero Physicam &c."

1:o Quod de ideis s. notionibus, ut claris, distinctis &c. & de terminis Logica docet, pertinet tantum ad id, ut fi- gatur certa notio certo verbo; quoniam fruita & vana est omnis disputatio, nisi antea inter disputantes de verbis eo- rumque significatione convenit. Hinc *Definitiones*, pro fun- damentis veritatis, consideratæ. Per se vero patet, nullam i- deam rei, ut rei, veram definiendo oriri, sed tantum com- municari & verbo affigi. Rem antea cognoscamus quam de nomine ejus convenire possumus, necesse est; nec potest ali- quid,

quid, definitionibus superstructum, pro vero certe haberi, antequam ostensum est, rem definitioni respondere; quod extra totam artem logicam percipi debet.

2:o *Propositiones & iudicia*, ut in Logica sumuntur, plane non attinent ad cognitionem, sed tantum ad notiones instrumentales & verba; i. e. ad cognitionis expositionem. Prædicati de Subjecto affirmatio & negatio, si non sit analyca, vera est, non ex propositione ipsa, sed ex cognitione extra propositionem: ut ex supra dictis luculenter liquet.

3:o *Axiomata & Postulata* etiam spectant demonstracionem, qua alios convincere possumus de veritate eorum, quæ statuimus esse vera, sed non ipsam veri cognitionem. Quando idem rei certæ teneo, in eo casu eodem omnino modo video totam rem omnibus suis partibus esse æqualem, utique quomodo id de ente prædicamus; illud quoque certum est per se, non axiomatis causa: & sic res se habet in omni casu. Axiomati igitur nullum omnino aliud est pretium, quam ut exprimat aliquid, de quo antea convenire possumus, quam ad certi argumenti expositionem nos accingamus, ut scil. non in casu certo id negari possit, quod in universum antea concessum fuerit.

4:o Idem etiam valet de *Syllogismis & de omni demonstratione*, quod ex eo etiam clare elucet, quod nihil inest in legitima conclusione, quod non jam datum est in præmissis, & de his antea est conveniendum, quam conclusio legitime elicere potest.

5:o Tota igitur *hac arte* nihil novæ cognitionis nec veri invenire possumus, sed tantum ea, quæ inventa habemus, cum aliis communicare: demonstrando nempe nihil novi inventur, sed tantum exponitur & defenditur. Quid inde? nonne ultimum principium communicationis sive expressionis

cogitationum & cognitorum investigarunt Philosophi, quando de *ultimo principio veri* & cognitionis locuti sunt? Utique En nubem pro Ju. one!

6:o *Scientia* etiam, qualis ex mente plurimorum philosophantium est, communicationem, qua alios participes nostræ cognitionis reddere volumus, spectat, non res cognitas: quod ipsa definitio *Scientie*, qua sumitur pro habitu demonstrandi ea quæ affirmantur & negantur, docet. Ille *scit*, inquit, qui causas eorum, quæ dicit, exponere, h. e. dicta sua demonstrare, valet. *aa*).

aa) Verum quidem est, veritatem vere posse demonstrari; sed aliud est cognoscere veritatem: aliud est illam demonstrare. Demonstrata sunt multa falsa. Demonstratio est veritatis expositio, ut alii etiam illam cernant. Veritatis cognitio illi utique præcedere debet.

7:o Logica igitur ita sumta non spectat rationem, quatenus in investigando vero & reddendo sibi incognita cognita, i. e. in cognitione vera augenda, versatur; sed tantum docet expositionem, rationi consentaneam, eorum, quæ cognita sunt, & de quorum veritate alios certiores facere volumus. Est itaque Logica soror Grammaticæ; & illa ita pertinet ad notiones instrumentales, ut haec ad verba, verborumque constructorum regulas: — certe, quod do libenter, utraque est maximæ necessitatis, ut exsistat communicatio inter homines; sed frustra studemus Logices ope, ut etiam Grammatices, incognitum cognoscere, nec verum invenire, nisi quatenus jam lateat in scriptis philosophantium, & inde depromi poscit. Logices ope, & hoc est usus ejus practicus, possumus ea, quæ jam cognoscimus etiam aliis cognita reddere, & ex aliorum scriptis & verbis nobis ea vindicare, quæ dicere voluerint; aut, ex inconsequentia notionum in illis obveniente, de iisdem dicere: aut verum non cognitum habent, aut artem, bene exprimendi cogitata & cognita verbis, satis non callent.

Unde

Unde igitur cognitio & veritas? — ex rebus ipsis. Quomodo vero ex illis? experiendo. — Frustra demonstras, frustra quæris verum, nisi quatenus res ipsas cernere, & ad illas formare potes, cognitionem tuam. Cogitando potes quidem relationes rerum possibles, interdum etiam veras, detegere, sed id eatenus tantum, quatenus jam in ideis datæ sunt, ut tibi tantum restet illas animadvertere. Frustra quæris ultimum veri principium, usque dum tuo jure dicere possis: ita expertus sum: experiendo novi hoc oriri ex facultate cognoscendi, illud sensuum ope, & s. p. Frustra e notionibus universalibus aliquid reale haurire voluinus; sunt enim omnes instrumentales: vere reales solum ex ipsis rebus trahuntur: inserviunt scil. illæ cogitationi & communicationi, non cognitioni, nec veritati. Frustra dicis: hoc est necessarium. Est quidem; sed tantum quatenus res sub illis notionibus subsuntur possumunt. Frustra etiam dicis: hoc valet de omni cognoscibili: nam quod de omnibus ita prædicari potest, in notione cognoscibilis jam latet, & simul cum illa ex experientia deducitur; sed quæ, qualisque experientia?

§. 6.

In Philosophia igitur, ubi de natura cognitionis, de primo principio veri & certi, de scientia rerum, veraque earum indole cognoscenda &c. disputatur, pernecessarium est, notionum pretium tantum instrumentale observare, sibique familiare reddere, quia aliter errores perniciosissimi evitari non posunt. Si fundamentum omnis cognitionis, omnis veri & certi quærimus, comparando & tractando notiones universales sive instrumentales, hypothesin quandam quidem extruere possumus, veram autem mentis naturam, veriusque veræ cognitionis principium inde depromere non possumus. Nam in illis nihil realitatis. Notionibus quidem possumus uti circa res, si jam nobis notum sit, illas esse, illas ita vel aliter esse formatas, &c, sed ad cognitionem eorum, quæ in ideis

realibus non jam continentur, & ex illis, conferendo, & considerando, elici posunt, usu ejusmodi notionum nunquam e-
vehi possumus. Hoc loco vero exponere possum, nec ratio-
nem, qua ideas reales accipimus, nec modos, quibus oriun-
tur omnes notiones universales; nec est hic necessarium. Sed
observandum omnino est, pretium cognitionis (si veritatem ob-
jectivam sive realem, non mere logicam s. convenientiam
notionum inter se, hoc vocabulo insignitam esse intelligis)
haudquaquam posse notionibus talibus tractandis magis elici,
quam compositione verborum grammatica. Omnis ergo de-
monstratio per notiones universales, omnis ex illis conclusio,
quamquam sit maxima arte & industria facta, nihil ad princi-
pium philosophiae inveniendum adjuvare potest. Dato quidem
principio vero, datis notionibus veris, veras quoque conse-
quentias arte logica inde trahere valemus; sed veritatem
principiorum, realemque cognitionem: extra seriem notionum
instrumentalium necessario querendam esse, quisque sanus vi-
deat. Qui enim in regione notionum universalium incipit, no-
tiones tantum meras habebit, & inveniet, nihilque realis nec
absolute veri ex illis eruere poterit.

§. 7.

Qui indolem notionum instrumentalium ita vere intelli-
git, qui videt illas pretio reali per se omnino destitutas, non
nisi formalem & hypotheticam rerum relationem tradere vel
estendere posse, — totamque rerum cognitionem, quae sint
res, quales sint, quatenus hoc vel illud, ita aut aliter sint,
nullo modo ab illis pendere *bb*); sed tantum relationes
rerum methodo quasi compendiaria investigari; non,
quod ex cognitione rerum diversarum hauriri non possint,
sed tantum, quod jam hac ratione semel facere possumus ea,
quæ

quæ alias toties esset denuo facienda, quoties res ejusmodi occurreret: — qui, inquam, hanc notionum indolem recte intelligit, non desistet mirari, Philosophos adeo hanc materialm neglexisse, ut plerique eorum fere nihil de illa cogitantur: & cum omnis scientia rerum, omnis veritas, omnis cognitio, quæ non vacuis & inanibus constet ideis, non ex notionibus instrumentalibus, sed ex rebus ipsis, ex natura entis cognoscentis, ex indole nexus inter mentem & res quas percipiamus & sciamus, deducenda sit; certe quærendum est, cur philosophi tanta opera, totque moliminiibus, veritatem & cognitionem veri in ideis meritis quæsiverint; cur tanti fecerint notionum instrumentalium tractationem, ut facultates mentis, ad illam pertinentes, longe majoris haberent, quam illas, quibus res ipsas cognoscamus, quatenus eas cognoscere possumus: idque adeo; ut facultatem nostram cognoscendi, ejus rei causa, in superiorem & inferiorem dividerent *cc*). Quod, me judice, est facere idem, quod ille faceret, qui majoris pretii haberet tabulas male piætas, quam homines veros & mundum ipsum, eam solum ob causam, quod illas videret intracubiculum in pariete pendentes, hos vero non nisi quatenus aut per ostium introirent aut per fenestram videri possent — vel quod tabulæ ejus tam male esent piætas, ut æque bene hunc ac illum hominem, hunc arborem ac illum repræsentarent: — & quid risu dignius! Sed videmus hic, quasi in speculo, causam, cur omnis fere Philosophia ad Idealismum aut Scepticismum (ut dieunt) tetenderit; nam, ut jam observatum est, qui meritis notionibus philosophatur, nunquam philosophiam rerum existentium invenire potest.

bb) Dicat fortasse aliquis: pendunt quidem; non potest res sensibus percipi, nisi in spatio: recte! sed ita ut res visibilis non potest videri nisi luce collustrata: ineft id, quod poscitur, jam in notione rei & visibilis.

cc) Exempla exstant apud fere omnes, qui de anima humana ejusque facultatibus scriperunt.

Ut

Ut vero hæc non videantur minus vere dicta, historia philosophematum confusa est, videndumque, quid ex omissione hujus observationis sequutum sit apud veritatis studios.

Xenophanes, ceterique Eleatici, quippe qui ullum verum notionum instrumentalium non cognoverunt, sed istas pro realibus sumserunt, cognitionem, quam experiendo colligimus, quam sensuum ope & conscientia interna ex rebus ipsis, quatenus a nobis non pendent, haurimus, contemserunt, & mundum alium, ex inanibus notionibus exstructum, imaginati sunt. — Plato indolem notionum instrumentalium veram, adeo non observavit, ut illas esse ex origine quadam divina, ideoque præ realibus, quas parvi admodum fecerit, pondandas putaret; unde omnes Academiæ opiniones & cogitata de certo & incerto, de vero & falso &c. — Aristoteles, qui, ut jam dixi, docet nos ex notionibus universalioribus, usque ad notiones singulares veritates logicas deducere; qui docet nos demonstrare; qui nobis tradit summa genera in categoriis suis; ille tamen omittit accurate quærere fundamentum & pretium notionum universalium, atque principium veritatis realis, *dd)* Aristotelis vestigiis institerunt Scholastici; sed fere id quæsiverunt in verbis, quod ille tamen in notionibus instrumentalibus. Fr. Baco de Verulamio ad res ipsas quidem considerandas invitaverat homines; nihil tamen minus Cartesius nihil certi, nisi ex notione Dei, comparari posse docebat; quasi esset hæc notio idem ac ipsa natura entis perfectissimi; ut etiam ex notione spiritus & corporis, non ex re, sed ex definitione sumta, omnem suam, de cognitionis nostræ & rerum externarum indole doctrinam haulsit. Locke, qui optime hujus methodi difficultatem agnovit, aliamque utique viam in veritate investiganda esse sequendam intellexit, experientia duce Philosophiam suam elaboravit; sed nimis pre mendendo vestigia ejus (ducis sui experientiae), cognitionem demon-

monstrativam fere omisit, & scientiam cognitionis humanae u-
niversalem, non solum non ipse dedit, sed etiam impossibilem
effecit; quia summas notiones, illasque universalissimas & ne-
cessarias, ita ab experientia deducendas esse statuit, ut ab-
strahendo ab omnibus diversis perceptionibus, non fere aliter ac
in Arithmeticā summa ab addendis, existerent. Loquitur de
æternitate, de immensitate spatiī e. s. p. quasi revera essent;
loquitur de conditionibus existentiæ, e. s. p. & tamen putat
nos experiendo ita concipere illarum notionum & idearum ne-
cessitatem, ac si sensibus caperemus immensitatem, & condi-
tiones, sub quibus res esse possint. Itaque debita disquisitio-
ne de origine harum idearum & notionum neglecta, omnem
cognitionem rerum, quæ extra experientiæ directæ orbem sitæ
sunt, ruere fecit. — Leibnitius vero, & cum eo Wolf,
viam a Cartesio strata incepit, & ex notionibus universalibus
philosophiam rerum & cognitionis elicere voluit. Defini-
tiones Entis Compositi & Simplicis illi fuerunt fundamenti lo-
co; hisque superstruxit omnem suam theoriam de indeole cog-
nitionis, de Ente summe perfecto, de mundo & rebus exter-
nis: ex his quoque deduxit suam Monadologiam, Harmoniam
præstabilitam &c. — Et Cel Immanuel Kant, quamquam
postea tot, tantisque argumentis demonstravit, nos ex notio-
nibus nostris, nihil utique de rebus extra experientiam no-
stram sitis, scire posse, nec ad naturam rerum suprasensua-
lium quodam jure concludere: quamquam, inquam hoc ma-
ximopere in mentem lectoris inculcare studet; tamen, ut mihi
quidem videtur, in struendo fundamento systematis sui, i-
pse ex notionibus meritis, ad normas logicas connexis, totum
systema fundavit, & ita, contra regulas veritatis inquirendæ,
pro principio omnis cognitionis dijudicandæ ponit: ea omnia
esse nobis a priori in ipsa nostra cognitionis facultate data,
quæ in cognitione nostra absolute universalia & necessaria
sunt; itaque ideæ Spatiī & Temporis, atque notiones, quas
sub nomine categoriarum recensuit. Quod minime fecisset, si


G. G. M. ad

^{a)} veram notionum nostrarum naturam ita attendisset, ut vidisset, ex illis nihil magis ad indolem facultatis cognoscendi, quam ad rerum externarum naturam, concludi posse, ^{ee)} antequam pretium earum, ex primo cognitionis & veritatis principio, ut cognito, hauustum, cognoscere queat Philosophus.

^{dd)} TENNEMANN (Gesch. d. Philos. Th. III. pag. 98) Aristoteles, inquit, beging also den Fehler, dass er der Demonstration einen Werth beilegte, den sie nicht hat, noch haben kann. Anstatt sie für nichts weiter, als für die logische Beweisart zu halten, wobei man von aller Beziehung auf Objekte abstrahirt; und nur auf die Form des Denkens achtet, betrachtete er sie als das Mittel, zum objectiven Wissen zu gelangen, &c. (conf. CHR. AUG. HEUMANN Consp. Reipubl. Litter. l.c.) Aristoteles docet quidem constanter, nihil esse in substantia secunda, i.e. in genere & specie, quod non ante fuit in substantia prima, sive individuo; sed de methodo, qua ad veram cognitionem substantiarum primarum pervenire possumus, nihil fere dicit; nec criterium querit, quo adhibendo veritas realis percipi potest.

^{ee)} FR. BOUTERWEK dicit quidem (Anfangsgr. der Speculi. Philos. pag. 182. §. 368): Will man aber diese Form (die Form des äussern Sinnes) als besondere Natur des erkennenden Subiects ansehen, als ob sich nach dieser besondern Natur des Subiects die besondern Naturen der Objecte, als etwas für sich Bestehendes, richten und bequemen müsten, um vorstellbar zu werden, so setzt man da Behauptungen voraus, die noch einer ganz andern Prüfung bedürfen. Denn woher wissen wir in mehr als sinnlicher Bedeutung etwas von einer besondern Natur des erkennenden Subiects und von besondern Naturen der erkannten Objecte? ibidem pag. 186. §. 376): Aber auch mit dieser Theorie der Zeit gewinnen wir nicht die geringste Kenntniß von einer besondern Natur des erkennenden Subiects, der die Zeit gleichsam objectiv inhäritte. Wir wissen nichts weiter von dem Grunde dieser Vorstellung, als dass er eine der Bedingungen unsers menschlichen Daseyns ist, denen wir uns unterwerfen müssen. Ita dicens, videtur quidem perspicere ea, quae attuli; verum non est quæstio, in quo inhærent spatius & tempus, ut in objecto, sed unde representationes Spatii & Temporis hauriantur: scil. utrum simul cum representationibus rerum externarum extrinsecus in mentem inrumpant, aut

aut intra mentem orientur; utrum tantum pertineant ad facultatem cognoscendi, aut ad' objecta cognitionis. Si vero quis dicat: est notio Spatii forma sensus externi; quia omnia, quae per sensum externum excipiuntur, in Spatio esse debent; is sane nihil aliud dicit, quam, incognitum esse; quid sit Spatium, aut quare universale & necessarium sit, h. e. nihil omnino aliud ille dicit, quam Spatiūm esse universale & necessarium; quod sane nihil explicat.



Errata corrigenda:

Pag. 2, lin. 1 est pernesariam leg. pernecesariam Lin. 28,
etmon — leg. common. Pag. 5, lin. 26 eidē leg. επισαρθοι Pag.
7, lin. 20 DES leg. DER. Pag. 9, lin 6. eognoscamus leg. cognoscas-
mus. Lin. 13. igitur actus, leg. igitur est actus. Pag. 10. lin 9. habet
in paucis exempl. tant pro to ut; lin. 12 ANFANGSGR. pro ANFANGSGR.
& lin. 25; PHILOSOPHISCHE pro PHILOSOPHISCHE. Pag. 11, lin. 14,
ähnlich, leg. ähnlich, lin. 30 delectatur punctum post Erkenntniss. Pag.
14 lin. 11, est infinitum pro infinitum. Pag. 15 lin. 9c habet in pau-
cis. exempl. rufus pro rufus. Pag. 16 lin. 29 est quasi res; essent
pro quali res essent; Pag. 19, lin. 4, deest signum parentes. post C.
7. Lin. 7 est. equus sed debet esse equus. Lin. 31, obnuit II, leg.
II. Pag. 22 lin. 31, pro proferre lege proferre. Pag. 24 ipse nu-
merus paginae falso est 32. Pag. 31, lin. 22 & 23; est internam lege
internum. Pag. 39 lin. ultima; lege dum ex pro dnm cx. Pag. 42, lin.
30. occurrit b) sed lege z).